

पुर्खा दयक तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दयक तकगु सम्पत्ति, भीगु कला व संस्कृति

स्वयं

नेपाल संवत् १९४१ चौलागा / २०७८ वैशाख १५ / 2021 April / ल्या: ३४, दौ:३



**स्वयं नगरपालिकाया प्रमुख जु नपांया
प्रतिनिधिमण्डलया पुवः
यल महानगरपालिकाया अवलोकन भ्रमणय**

खेलकुद मन्त्री दावा तामाङ ख्वप नगरपालिकाय्

(२०७८ वैशाख ४ गते)



नगर प्रमुख प्रजापति जु व खेलकुद परिषदया

सदस्य सचिव सिलवाल जु नपालाङ दिल

(२०७८ वैशाख १२ गते)



; DkfbSlo

@)* a%fv !%, c^\$ ^), jif{#

कोरोना भ्वल्वचं मथिइकेता बिचःयाडः पला छियनु

कोभिड १९ या ल्वचं कःपुं न्हिया न्हिथं अप्वयो च्वंगु दः । भी जलाखाला दे भारतय् थुगु ल्वचं पुडः, उथिउथि काडः च्वंपु न्हिं स्वंगू लाख व डय्द्वस्वयो अपःदःगु, सीपिनिगु ल्या नं अपलं अपः क्यंगु, अस्पतालय् नं अक्सिजन, भेन्टिलेटर व बेद खाली मदय्क बिरामी जःगु बुखाँत प्याहाँ वयो च्वंगु दः । भारतं नेपालय् द्रहँ वइपुं नागरिकपिन्ता मःकाथं व्यवस्था याय मफःगुलिं पश्चिम नेपालनं कोरोनाया धुकु जुजुं वगु दः ।

नेगूगु लहरया कोरोना खानय् दय् धुनयवं अःतकखय् पश्चिम तराईयाय् जिल्लाया अस्पतालय् बेद, अक्सिजन मदयो तच्चपुं बिरामी पिनिगु उपचार याय मफगु खाँ प्याहाँ वयो च्वंगु दः ।

थौं कन्हे नेपालय् न्हिं स्वीडासम्हा स्वयो अपः संक्रमितपुं दःगु खाँ न्हिथाडः वयो च्वंगु दः । थ्व भारतया संक्रमणया ल्या स्वयो अपःखः धाय्गु रेकर्ड क्यडः च्वंगु दः । थ्वहे काथं संक्रमण अप्वयो वांसा अः ला बलालिपा नेपालं कुबिय मफय्कः तस्कं थाकुगु व ग्यापुगु दिन वै दक विज्ञपिसं धायो च्वंगु दः । थुगु खाँखय् संघ, प्रदेश व स्थानीय स्वंगू तहया सरकारतय्सं मंकःकुतः याडः हज्याय्गुलि लिपालाक च्वनय् मज्यू ।

नागरिकपिसं कोरोना छुं हे मखुकाथंया पहः क्यडः च्वंगु दः । सरकारं पिब्वगु स्वास्थ्य मापदण्डता वास्ता हे मयासिं, मास्क मतःसिं जुइगु, हुलमुलयाड जात्रा याड, भ्वँ डाय्कः उखेथुखें मुडःचाहिल जुइगु, साभुं थाड लाहा मस्यूसिं जूगु दः । छम्हा मनून चिच्याहांगु छगू द्रकगुलिं सकलसिनं तहांगु मार नय्मालिगु खाँ भीसं थुइकः पला छियमः ।

स्वनिगलय् वैशाख १६ गते निसें लागु याय्गु याडः निषेधाज्ञा जारी याय् धुकल (ब्वनय् कुथि, कलेज थजगु) शिक्षण संस्थात तिडः तःगु दः । यातायात व पसः नं तिकिगु जुयो च्वंगु दः । संक्रमण मजुइकः कोरोना भ्वल्वचं मपुंकः मडांकः जुयता सरकारं यागु निषेधाज्ञाया पालना याय्गु नागरिकया कर्तव्य खः । भी महामारी मथिइकः जुयगु खःसा स्वास्थ्य सुरक्षाया मापदण्ड पालना याय्गु बाहेक मेगु लाँपु मरु ।

निषेधाज्ञा व लकडाउनजक समस्या ज्यंकय्गु वास मखु जक न्हपा याय्गु इतिहासं नं क्यनय् धुकुगु हे खः । अथे जूगुलिं स्थानीय तहतय्ता हे स्वास्थ्यया नितिं मःगु उपकरणत बियो नपां मःकाथंया जनशक्तित बियो तस्कं ल्वचं कःपुं बिरामीत बाहेक अक्सिजन विद्यगु निसें सामान्य उपचारया व्यवस्था स्थानीय तहखय् हे याय् फैगु याडः क्षमता अभिवृद्धि याय्गु ज्याखय् संघ सरकारं ग्वाहाली याय्गुलि ध्यान बिय मः ।

स्थानीय सरकार जनताया लुखा हःनय् च्वंगु सरकार जूगुलिं अःपुक, तप्येक, मथां जनताया सेवा याय् फैगु खाँ थुइकः गुलि फता उलि मथां ज्या सांकेय् मः । गुलि लिपा लाता उलिहे थाकुइगु खाँ थुइकः संघ व प्रदेश सरकारं स्थानीय तहता आर्थिक व भौतिक ग्वाहाली याडः कोरोना भ्वल्वचं मपुंकः मथिइक तय्ता मथाहे मंकःकुतः याइगु आशा याय् । सरकारं न्हपालाकव बेला लिपालाकव घोला धाय्गु खाँ थुइकः ज्या याइगु आशा याय् ।

पिकाक-ख्वप नगरपालिका/सम्पादक-आशाकुमार चिकंब्ज्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com

हूँगु पुस्ता सदाचार समाजया न्ह्यलुवा गथे याय् फै ?

● नेमकिपाया नारयो नारायणमान बिजुक्छें

गुलिनं भी पासापिसं शुभचिन्तकपिसं थौं या बः चा हिपु. मचात निसें ल्यासे ल्याम्हो पिक्यु समाजसेवा याय्गु भावना मदयो न्ह्याब्लें याकचा त्वल्ह्य जुयो च्वनिगु, सदाचार (ब्यवहार याय मसःगु) म्हवः जूगु, मोबाइल व इन्टरनेट मःगु स्वयो अनेक खय् छ्यलय्ता तय मःगु, थः जकया आत्मकेन्द्रीत भावनां हिनाताबोध (दिक्क दाक्क गु पहः लय (डिप्रेसन) व निराश जुयो च्वना दक न्यंकी । अल्य थुकिया अखः घमण्डी, थाकालि (जेष्ठ नागरिक) पिन्ता हानय मँ-मानयमँ मरुपुं, थःपुं गुरुपिन्ता वा हेडसरता व थः स्वयो थाकालि पुं दाजुकिजा तताकेहें पिन्ता नपां वास्ता मयासें क्वह्यंकः स्वइगु जुयो वला दक धाई । हकनं मेदख्य लागु पदार्थ (श्वँ, ऐला, गाँजा मेमेगु ...) त्वनिगु, तः म्हा मिल्य जुयो (ग्याड फाइट) ल्वापु थयो जुइगु न्ह्यपतय् मुन्द्री, अथेथथे मदय्क साँ च्याड, वख्व श्वख्व मरुगु नं फियो भियतनाम युद्धया इलय् युद्धख्य वानय माली दक हिप्पी जुयो वख्व श्वख्व मरुगु नं फियो व म्हाय् अनेक थासय् लां (टायटु) च्वयो जुइगु थजगु ब्यवहारं थः ता स्वकय्गु खाँ थुइकय् थाकुगु ब्यवहार केनिपुं मस्त व ल्यासे ल्याम्होपिन्ता गथे याड सामान्य जीवनय् ह्यगु जुइ दक चिन्ता काइगु खः ।

भियतनाम युद्ध हौं व लिपा अथे धाय्गु ड्यदा- खुइदा हौं अमेरिकाया प्रचारमाध्यम व पौ (पत्रिका) त पिथानिगुलि सच्छीख्य स्वीडाम्हा ल्यासे - ल्याम्होपुं फुस्तु गुण्डा व थः यत्थें छँ प्याहाँ वाड योयोथाय् यो यो थें साड जुइपुं, सामाजिक मर्यादा मस्वसें कतं स्वय हे थाकुज जुइगु खाँ च्वयो तःगु दः । अजपुं ल्यासे ल्याम्होपुं अः भीगु नेपालय् नं ब्वथां ब्वथां हे खानय् दयो वल । उकिया मू हूनि अमेरिकी समाज व आनाया ऐन कानुन स्वयो थः हे जिम्मेवार खः । उमेर गातकिं अथे धाय्गु १६-२० दा फूतकिं ल्यासे ल्याम्होपुं थः मां ब्वा, छँ त्वः त थ ता मंदथें (रोजगार) ज्या साँ वानि । अल्य सरकारकय् (ऋण) दाँ त्याय् कायो ज्या सानी ।

वहे ज्या खाँ स्वयो, न्यडः नेपः भारत व दक्षिण एशियाया देशय् ल्यासे ल्याम्होपिसं निस्फिक्री गाजी त्वडः, भाड नयो अल्य अनेक सुइ कायो हनय् लाथाय् देनिगु गना ध्वतुला आनाया भक्तीपसलय्, च्यापसलय् वा नसाः पस, जा होटेलय् नयो जिन्दगी



थथे खः दक मोज याडागु भः पियो जुईगु । गीतार थाडः अनेक ज्याप पप हालः ल्यासे ल्याम्होपुं भीगु समाजं स्वयथाकुगु व्यवहार क्यडः साड जुई । अमिसं अजगु व्यवहार छुं मखु थें ताय्की । थुकी हकनं हिन्दी (भारतया) भाय्या गुलिं संकिपां याड अमिगु जीवन दर्शन व ज्या इवः ता बः बियो यंकीगु नं न्यनय् दः । उकिया मखुगु लिचवं थौं तक नं भीपुं मचा ल्याम्हो मचा ल्यासेचापुं निसें ल्यासे ल्याम्होपिन्ता मेगु लाँपुई लुतुलुयो यंक च्वंगु दः ।

न्हपा-न्हपा महानिर्वाचनय् व पञ्चायतया डादा च्यादातक नेपः या ल्यासे ल्याम्होपुं सदाचार (बांलागु ब्यवहार) अनुशासित खानय् दः । थःगु संस्कृतिता क्वह्यंक खाँ मल्हा । बरु थः थः गु विषयलय् ध्यान तयो कुतुकुल न्यनय्गु -सय्केगु यागु खानय् दः । हडकडग, बेलायत व अमेरिकायाबारे छुः खः? गथे खः दक चासो याडः जुइगु ज्याख्य न्हःपां पला न्ह्याकगु खानय् दः । धात्थें नं कलेजस्तरया ब्वनामिपिके अंग्रेजी, नेपाली, हिन्दी साहित्यविषलय् नकतिनी जक चाय्कगु रेष्टुरायँ जक थजुयो ब्यु वा तिब्वतियन रेष्टुरायँ चाउमिन, थुक्पा व मः मः नय्गु पसलय् थःजु खाँ ल्हाड च्वंगु न्यनय् दः । गुलिं ब्वनामिपुं समाजवाद व पुँजीवादया विषय सैद्धान्तिक छलफल याड च्वनि । उब्लेया पाठ्यक्रमय् नं अजगु विषय ब्वनय् मः । नपां चोक सभा थजु वा जनसभा, वापौ वा लय्पौ खय् ल्यासे ल्याम्हो पिनिगु मन सालिगु बाखँ, चिनाखँ, च्वखँ त च्वयो पिथानिगु । कलेजं नं थःथः गु

खुडगूगु स्वप पौ. बःछि पौ(पाक्षिक)

स्मारिकात पिथानिगु । साहित्य गोष्ठी, सडगीत व कासाया ज्याइव तः मदिकक याडं तुं च्वनिगु ।

विद्यार्थी इलय् निसैं ग्वाहालीमि जुयो ज्या सांपुं ब्वनामिपुं तस्कं फूर्ति दःपुं न्हयाब्लें सेवा भावया गर्व ख्वः चकांकः, कप ल्हाडः जुई । तुरुन्त हे मः काथं तयार जुयो ज्या सानय् फैगु बानी विद्यालयं हे दय्क बी, ब्वलांक बी । अमिकय् अनुशासन, सदाचार, गुरुपिन्ता आदर व समाजप्रति थः उत्तरदायी जुयमः धाय्गु भावना पिज्वई ।

पञ्चायतं यागु दमन व मण्डलेत द्वहँ वसेलिं युवा आन्दोलनय् नं कुष्ठं थ्यूगु थें बिश्रंखला खानय् दत । लिपा नेपाली कांग्रेस, अखिल व पञ्चायतया ल्वापुखिचा पुचः त सिद्धान्तस्वयो बलं मिचय् याइपुं मनूतय्गु संस्कृतिं ल्यासे-ल्याम्हो पिकय् बलं क्वत्यलय्गु, गुण्डागदीं याय्गु व अशिष्ट ब्यवहार अनुशासनहीनताया ज्या याइगु नपां विषयवस्तुया देनय् देनय् लालाकाय्गु यासेलिं शिक्षास्तर भन भन क्वदुड वान । सम्भवत शासक वर्ग ल्यासे-ल्याम्होपिन्ता थःगु पक्ष लुयो काय्ता कमजोरपुं ब्वनामिपिन्ता नं अपलं सहूलियत बियो जाँचया लिचवता छ्वासुक यंकल । अलय् कमजोरपुं परीक्षार्थीपिन्ता नं अनेक किसिमं न्ह्यसपौ न्हपालकं तुं पिकायो, खुडकः परीक्षकता धेवानक अबल दर्जाय् पास याकः वाता श्वाता मदय्क धाय्कः गुटबन्दी याडः, आखः ब्वनिपुं मेहनत याइपुं ब्वनामि पिनिगु मन स्यंकः मेहनत मखु च्वय् च्वय् याय् पिनिगु चाकडयाय् फय्के मः धाय्गु बिचलं क्वत्यल यंकला । उकिया लिच्वं थौं नं खुयो च्वकय्गु, थःगु हे थासय् 'होम सेन्टर' तय्केगु, न्ह्यसः पौ जाँच बिय हाँ हे बजारय् वैगु, एम.ए. व पि.एच डि या शोधपत्र नपां न्याडः मेपिंगु ल्ह्ययो कायो, पास याय्गु यात । ब्वनामि पिन्के विश्वविद्यालयया प्राधिकारी पिसं धेबाकायो 'पास फेल' जक मखु, न्हाप, ल्य, च्वःजःगु विशिष्ट श्रेणी व पहिलो श्रेणीखय् नां पिकायो जाँचया लिचव पिकाय्गु ज्या न्ह्याकल । मेडिकल कलेजया ब्वनामि पिन्के जनताता छुरा व पेस्तोल क्यड लुटेयाथें पढाइ शुल्क व मेमेगु शुल्क काय्गु याई । थथेहे सरकारया कमजोरी खं याड शिक्षाखय् अराजकता वगु खः । थुगु शिक्षाखय् अराजकता मदय्केता स्थानीय निकाय्, प्रदेश व केन्द्रया जिम्मेमारी चिड्केगु स्वयो न्हाप बिशेषज्ञ व स्वंगू श्रेत्रया प्रतिनिधिपिनिपुं प्राज्ञिक प्रविधिक छलफल मयासैं मगा ।

म्हेग व थौ या ल्यासे-ल्याम्हो पिनिगु जागरुकता

न्हाप मसैं व पहाडया ब्वनय् कुथी कासा, स्काउट व उमेरगत मस्तय्गु व ल्यासे-ल्याम्होपिनिगु उमेर अनुसारया ग्वाहाली पुचः (स्वयम सेवक दल) दय्कः शारीरिक सुगठन, सुचुकुचु नपां मेमेगु सेवा खय् हचिडकः ज्या सांकीगु । मिखा जाँच याइगु आँखा शिविर, भाराबान्ता, हैजा अलय् जात्रापात्रा, छुं नं नखा, लसताय् उत्सव जुइगु थासय् ग्वाहालिमि काथं ज्या सांकिगु । ब्वनय्कुथी त्वाल्य-त्वाल्य व गां गामय् थो थो ग्वाहालिमि पुचः पाखं समाज व जनताया सेवा याय्गु मतिं मचात बलय् निसैं स्वथांकः बिय फःसा ल्याम्होबलय् व जीवनया अन्तिम अवस्थाय् तक उकिता बांलागु लिचव खं ज्या साडंतुं च्वनि । मसैं(तराई) या ब्वनय्कुथी आपतकालीन टननन घण्टी थातकीं न्ह्यग्, च्याग्, गुगु व हिग् तगिंया ब्वनामिपिसं थः थः गु तगिंया पासापुं नपां लाइन च्वडाः गना मिं न्वगु खः आना ब्वाक ब्वाक वानि । न्ह्यग् व च्याग् तगिंया ब्वनामिपिसं मिं न्वगु छँ थिडकया सपाः (गुँडथा) व सामानत थासय् लाक तयो बी । गुगु तगिंया ब्वनामिपिसं तुथीः पुखुलीं नाः ल्ह्ययो हयो, हिग् तगिंया ब्वनामिपिन्ता बिड अमिसं मिस्याय्गु ज्या याई । अपुं दमकलया सिसैं थें तस्कं हज्याड ज्या सानी । प्वल्हँतय् थाहाँ वानय् मःसा, आंग तछ्याय् मःसा छुयाय् मः व काथं ज्या याड अमिसं मि स्याय्गु याई ।

विद्यार्थी इलय् निसैं ग्वाहालीमि जुयो ज्या सांपुं ब्वनामिपुं तस्कं फूर्ति दःपुं न्हयाब्लें सेवा भावया गर्व ख्वः चकांकः, कप ल्हाडः जुई । तुरुन्त हे मः काथं तयार जुयो ज्या सानय् फैगु बानी विद्यालयं हे दय्क बी, ब्वलांक बी । अमिकय् अनुशासन, सदाचार, गुरुपिन्ता आदर व समाजप्रति थः उत्तरदायी जुयमः धाय्गु भावना पिज्वई । थुकी धाथें खय्क ब्वकिपुं गुरुपुं, विद्यालय सञ्चालक समिति व अभिभावक पिनिगु तहांगु लाहा दै । उब्ले ब्वनामि पिन्के धेबाया लोभ मरु । अलय् राजनीतिक दलत सत्ताय् वानय्ता माध्यमिक तगिंया ब्वनामिपिन्ता नपां निर्वाचनय् छ्यलः, धेबा बियो, ला व जा नकः, वियर, ह्वस्की, श्वँ ऐला त्वंकः भ्वँ नकः अलय् तः तः हांगु तगिंया ब्वनामि पिन्ता मोटरसाइकलय् पेट्रोल ताय् बियो, नं बियो, अपः धेबा बियो ल्यासे-ल्याम्हो पिनिगु मन स्यंक ब्यूगु खायँ मखु धाइपुं दै मखु ज्वी ।

अथे जूगुलिं भ्नीपुं न्हूगु पुस्ताता समाजप्रति ल्यासे ल्याम्होपिनिगु दायित्व थुडकय् बियो, अजगु भावना पिब्वइगु पाठ दुथ्याकः ब्वंकय् बिय फत धःसा क्वम्हूयो वाड च्वंगु ल्यासे ल्याम्होपिनिगु भिंगु व बांलागु भावनात हकनं लिफ्यड ह्य् फै, अमिता भिंगु ज्याखय् लय्ताय्क छ्यलय् फै धाय्गु विश्वास काय् ।

भीगु मौलिक पहःव प्रविधिं हे भूकम्प प्रतिरोधात्मक छँ दानय् फै

• प्रमुख सुनिल प्रजापति

२०७२ सालया तः भवखा बवःगु नं खुदा फुत । भवखाचां स्यंकः ब्युगु सम्पदात निजी छँ खुदा फुडानं मतितया काथं ल्हवय-कानय् व दानय् मधुंक नि । ख्वप नगरपालिकां थुगु लागाय् च्वछाय् बहगु ज्या याड च्वंगु खाँ फुक्कसिनं धायो च्वंगु दः । अथेनं फुक्क हे ज्या धःसा क्व मचः नि । थुगु विषय 'भूकम्प दिवस' या दिनसं ख्वप नगरपालिकाया प्रमुख सुनिल प्रजापति जु नपां ख्वप पौ बः छि पौ खं याडागु खँलाबल्हा- सं

न्हयस : २०७२ साल बैशाख १२ गते गोरखा बारपाक केन्द्र बिन्दु जुयो लःगु तः भवखा लःगु नं खुदा फुय धुकल । थुगु भवखाचां स्वप देशय् छु गुलि स्यंकः ब्युगु दः थै ?

लिस : ख्वप दे तः भवखाचां स्यंक ब्युगु जिल्ला मध्ये (अति प्रभावित)

अपलं स्यंकः ब्युगु थाय् मध्ये छगू खः । थुगु जिल्ला दुनय् जक थयं मथयं नीच्याद्वखा छँ भाति भाति व जग थयंक थुड ब्युगु खःसा ख्वप नगरपालिका दुनय् जक च्याद्वखा छँ थुडः स्यंक ब्युगु खः । ख्वप नगरदुनय् ७६५६ लाभग्राहीया ल्या दःगुलि न्हापांगु किस्ता कःपुं ५६८० नेकगु किस्ता कःपुं २२३६ व स्वकगु किस्ता कःपुं २००० जक थयना, थुगु ल्याखं स्वय बलय् थःगु निजी छँ सच्छीखय् पीबवः (४० प्रतिशत) जक ल्हवनय् कानय् व दानय् धुकगु खानय् दः ।

न्हयस : उगु तः भवखाचां स्वप देया छु छु गुलि सम्पदात स्यंकः थुड ब्युगु दः थै ? खुदाया दुनया छु गुलि ल्हवनय-कानय् व दानय् धुनाथै ? अः छु छु जुयो च्वंगु दः थै ?

लिस : ख्वप साँस्कृतिक नगर



खः । थाना अपलं महत्वपूर्ण सम्पदात दः । २०७२ सालया तः भवखाचां १२० गू स्वयो अपः स्यंकः थुड ब्युगु दः । भवखा बवय धुकः खुदाया दुनय् ख्वप नगरपालिकां थःगु हे धेबा, श्रम व सामानत अपलं छ्यलः २३ गः देगः, पीगु फलचा, खुखा घो छँ, स्वंगू धवाका, च्यागः पुखु, न्यगु तुंथि, च्यागू सत्तः, न्हयपु ल्वहँहि अलय् मेगु खुगू याड १०८ गू सम्पदा ल्हवनय-कानय् व दानय्गु ज्या जुय धुकगु दः । अः १६ गूति सम्पदात ल्हवनय-कानय् व दानय्गु ज्या न्हयाकः च्वंगु दः ।

न्हयस : अतक नं स्वप दे दुनया थः थः गु निजी छँ त दानय्गु ल्यं दः नि । थथे दानय् मफगुया कारण छु खः थै ?

लिस : थःगु निजी छँ दानय्गु लिपा लाड च्वंगुया कारण मध्ये मोहियानी हक (म्हँव भाग) गुथि जग्गा खय् वा दर्ता मजुगु जग्गाखय् छँ दाड च्वंगु, तःम्हासिया नामय् छँ जुयो च्वंगु दाजुकिजापिनि दशवी अदालतय् मुद्दा जुयो च्वंगु सरकारं ब्युगु धेबा म्हवचा जूगु, पीडितया नामय् जग्गा मरुगु थै अनेक कारणं खः । सरकारं बिइगु अनुदान बढेयाय मःगु, अनुदान फुक्क छकलं बिय मःगु, अलय् थःगु नामय् जग्गा



मरुपुं पीडितपिन्ता काथंछिं गु थासय् छँ दाड् बियमः गु खायँ जिमिसं बः याड् चवडागु खः ।

ख्वप नगरपालिकां मौलिकता ल्यंकः तयता थः गु निजी छँ दय्किपिन्ता पुलांगु ख्वप दे दुनय् या छँ थुवः पिन्ता मोहदाय छ्यलिगु अपा, सिँ व प्वल्हँ अपाया तुगुखय् ३५ प्रतिशत अनुदान बियो वयो च्वंगु दः । थुकिं भ्नीगु थः गु पहः मौलिकता ल्यंकः तयताध्वाः सा जगु जिमिसं मति तयो चवडा ।

न्ह्यस : अः चित्र संग्रहालय तयो तः गु न्ह्यकं इयो दरबार व पुलांगु नगरपालिकाया भवन थन्थु दरबार अः तक नं मदांगुया कारण छु सः थै ?

लिस : चित्र संग्रहालय तयो तः गु न्ह्यक इयो दरबार व न्हा नगरपालिका तयो तः गु थन्थु दरबार प्राविधिक कारणं ल्हवनय्-कानय् व दानय्गु ज्या हज्याय मफयो च्वंगु दः । पुरातत्व विभागं छु ई न्हयो न्ह्यकं इयो दरबार व लाल बैठक बिस्कं बिस्कं तयो दय्के तांगु खः । मल्लकालय् व छ्वातंगु दरबार जगुलिं लुयोवगु दसी प्रमाणया लिधंसाय् पुलांगु मौलिक पहलं हे दय्केगुलि जिमिसं बः याड् चवडा । अथेनं पुरातत्वविभाग थव खाँखय् सहमत मजु । लिपा नगरपालिका, पुरातत्वविभाग व सांस्कृतिक मन्त्रालयया प्रतिनिधिपुं चवडः मल्लकालया शैलीं हे दय्केगु खायँ लिखित सहमति जुल । उकिता पुरातत्वविभागं चासो तयो ज्या हमछ्या, अथेजुगुलीं व ज्या अः तकनं हमज्यानि । थन्थु दरबार नगरपालिका थमं हे दानय्गु कुतः याड् च्वंगु दः । भूकम्प प्राधिकरण नपां नियमय् मिलय जुइकः उपभोक्ता समिति पाखं दानय्गु याड् निर्णय कः वां बलाय् मब्यगुलिं व

२०७२ सालया तः भ्वखाचां १२० गू स्वयो अपः स्यंकः थुड ब्युगु दः । भ्वखा ब्वय धुकः खुदाया दुनय् ख्वप नगरपालिकां थः गु हे धेबा, श्रम व सामानत अपलं छ्यलः २३ गः देगः, पीगु फलचा, खुखा चो छँ, स्वंगू ध्वाका, च्यागः पुखु, न्यगु तुंथि, च्यागू सत्तः, न्ह्यपु ल्वहँहिंति अलय् मेगु खुगू याड् १०८ गू सम्पदा ल्हवनय्-कानय् व दानय्गु ज्या जुय धुकुगु दः ।

ज्या नं अथेहे दिकु याड् तयमाल ।

न्ह्यस : तः भ्वखा ब्वः गु खुदा लिपा नं दानय् मफयो च्वंगु छँत व सम्पदा ल्हवनय्-कानय् व दानय्गु ज्या स्वय् स्वप नगरपालिका पाखं छु सुभात बियो दीथे ?

लिस : अः दानिगु थः गु निजी छँ व सम्पदा सुरक्षित जुयमः । उकिता लागिं कानुनी व प्राविधिक पक्ष फुक्कसिनं बिचः मयासिं मगा । सिमन्तीं काकः दांगु छँ जक बल्लाइ धाय्गु मनय् तय् मज्यु । भ्नीगु मौलिक पहलं हे भूकम्प प्रतिरोधात्मक

खुडगूगु स्वप पौ. बःछि पौ(पाक्षिक)

छँ दानय् फँ धाय्गु मति तयो भ्नीगु थः गु मौलिक प्रविधिता बः बियमः । भ्नीगु मौलिक पहलं हे भूकम्प प्रतिरोधात्मक छँ दानय् फँ धाय्गु मति तयो भ्नीगु थः गु मौलिक प्रविधिता बः बिय मः । भ्नीगु मौलिक प्रविधि थौं कन्हय्या न्हँगु आधुनिक प्रविधि स्वयो म्हवँ मजु । डातापोल्हँ, भैल देगः थजगु अपलं सम्पदा तय्सं कपः धस्वाक प्रमाणित याड् च्वंगु दः ।

न्ह्यस : अः स्वप नगरपालिकाया भावी योजना (थ्वनं लिपा छु ज्या याय् धाय्गु) छु दः थै ?

लिस : नेपाल मजदुर किसान पार्टीया नायो नारायण मान बिजुक्छँ जुं कल्पना याड् द्युगु 'सच्छिदा लिपाया ख्वप दे' जिमिगु योजना खः । उगु ज्या पू वांकयता जिपुं मदिक्क हज्याड् चवडागु दः । हज्याड् तुं च्वनयँ । ख्वप देता पर्यटकीय गन्तब्य स्थल व ज्ञान विज्ञानया केन्द् दय्केगु ज्या खय् जिमिसं क्षमतां भ्यावय् जूतलय् कुतः याड् वानयँ ।

दकलय् लीपा २०७२ सालया तः भ्वखाचां प्राण त्वः तः वांपुं सकलसिता बिचः हायकसें घःपः जूपिनिगू भिं उसायँया कामता याय् ।



सर्वदलीय बैठक: एमसीसीपाखं धुवीकरणया न्हू कुत:

• विवेक

एमसीसी (मिलिनियम च्यालेन्ज कम्प्याक्ट) पास याय्गु व मयाय्गु ज्या संसदं याइगु खः । नेदा हाँ निसे सभामुखं पाड तःगु खः । थथे सभामुखं पाड तय् मज्यु । सभामुखया ज्या अलोकतान्त्रिक, गैरकानुनी व असंवैधानिक खः ।

चवयाय्गु खाँ प्रधानमन्त्री खड्ग प्रसाद ओली जुं चैत्र ४ गते बालुवाटारय् गवस गवगु सर्वदलीय बैठकय् न्हिंथांगु खः । वयकलं एमसीसी हमज्यागुया (दोष) द्रुपं सभामुखता बियो छ्याचव नं बिला-सभामुखं पाडः तय्गु अधिकारं पिनय्या खाँ खः । उकिता मथां हे ल्हवनय्मः । चैत्र ७ गतेया संसद बैठक हनय् ल्हवडः प्रस्तुत मयासा दलतय्सं सभामुखया नहुन्यापहः (स्वेच्छाचारीपन) सह याडः चवनय्गु वा सभामुखया मेगु विकल्प ल्यय्गु नेगूमध्ये छगू मयासिं गाइ मखु ।

संसदय् वपुं न्हय्गु दल मध्ये खुगू दलया प्रतिनिधि पिसं ब्वतिकःगु बैठकय् प्रधानमन्त्री ओलीं कोभिडं मपुंकः पानय्गु, जनप्रतिनिधिपुं मरुगु थासय् उपनिर्वाचन (राष्ट्रियसभा, प्रतिनिधिसभा, प्रदेशसभा व स्थानीय तह) व एमसीसी सम्भौता संसदं अनुमोदन याय्गु थजगु विषय सल्लाहला याय्ता सः तागु धःसां सल्लाह एमसीसी खय् जक तः क्यंकः चवना । नेका, जसपा, राप्रपा थजगु दलत एमसीसी पारित याय्गु पक्षखय् दःसा नेमकिपा व राजमो विपक्षखय् ।

बैठकय् नेपाल मजदुर किसान पार्टी व राष्ट्रिय जनमोर्चाया प्रतिनिधिपिसं एमसीसी खारेज याय् मः दक तप्यंक विरोध याता । नेमकिपाया छ्याञ्जे प्रेम सुवालं जनताया तहलं विरोध जुयो चवंगु

व श्री लड्कां खारेज याय् धुंगु इलय् देश व जनताया भिं मयाइगु उगु सम्भौता खारेज याय्म दक बः याड दिलसा राजमोया हिमलाल पुरीं एमसीसी आर्थिक नपां स्वापु दःगु जक मखुसे इन्डोप्यासिफिक रणनीतिपाखं हः गुलिं अकिता ज्यु दक दुकाय्गु नेपः अमेरिकी क्याम्पय् वांगु प्रमाणित जुई ।

नेकाया सभापति शेरबहादुर देउवाता नेमकिपाया छ्याञ्जे प्रेम सुवालं नुवागु चित्त बुभ्के मजुलाथें । व दथवी हे खाँ त्वाल्हाड धाला-श्रीलड्कां गना खारेज यागु खः दक ? आनायां अमेरिका थमं हे लिता कःगु खः । 'नेमकिपाया छ्याञ्जे प्रेम सुवालं आना हे वाता म्हुत्प्वः तिकः लिसः बियो दिला । नेपालय् अमेरिकी सेना वइ, अमेरिकी सेनां नेपःया भूमि कवाज म्हेतानिं तिनी सिइ ।' देउवा थःगु हे तालय् बर बर बर बर हाल चवना ।

कांग्रेसया नेता रामचन्द्र पौडेलं प्रधानमन्त्रीया प्रस्तावता समर्थन याड नेकां एमसीसी या विरोधय् मरु व आपाहांगु योजनाखय् सुयाय्गु असहमती दः सां उकिता हछ्याय् मः धाला । जनता समाजवादी पार्टीया नेता लक्ष्मण लाल कर्ण नं ताड धाला ऋण काय् ज्यु अनुदान काय् मज्यु धाय्गु नं दैला ? संसदं थुकिता हचिइकय् मः । थव सभामुखया अधिकारया विषय मखु । राप्रपा नेता प्रकाशचन्द्र लोहनी याय्गु नं उकी समर्थन दः ।

संसद बैठक चवनय् वं हे एमसीसी प्रस्ताव बैठकय् पेश याय्गु तयारी अवस्थाय् सरकार खानय् दः । आखिर एमसीसी पास याय्ता सरकार छाय् हथाय् चाला ?

छु खः एमसीसी योजना अलय् व सम्भौताखय् छु दः ? सकल नेपःमि पिसं उगु विषय छक बांलाक ब्वडः थुइकय् मःगु दः ।

एमसीसी आर्थिक पक्षजक मखु । सरकारं मेपुं शासक दल तय्सं गुगु बयबय् याड चवंगु खः व फुक्क फय् खाँ खः । जनतातय्ता नाखय् मिखा कांकः अनुदानया फाइदाया बृढाकियो खाँ काडः उकिता संसदं अनुमोदन याय्गु कुतः जुयो चवंगु दः । सन २०१७ सेप्टेम्बर १४ खय् अमेरिकाया वासिड्टनय् जूगु उगु सम्भौताखय् उब्लेया नेकाया सभापति देउवा नेतृत्वखय् दय्क तःगु सरकारया परराष्ट्रमन्त्री ज्ञानेन्द्र बहादुर कार्की सही यागु खः । उगु सरकारय् माओवादी नं दुथ्यागु खः । नेका, जसपा, राप्रपा थजगु दल तय्सं उगु सम्भौता अनुमोदन याकेगुली बः यागुया कारण उगु पार्टीयाय्पिसं सरकारय् दुथ्याकः छुं नं छुं काथं हछ्याय्गुलि राजी जुय धुंकगु दः ।

सं.रा अमेरिकां अः तक खय् पी प्यंगू स्वयो अपः देशय् थुगु सम्भौता याड कार्यान्वयन याय् धुंकगुलि लिपा वयो नेपः व श्रीलड्काता नं दुथ्याकय्गु अमेरिकी योजना दःगु खाँ पिहाँवल । श्री लड्कां मज्यु दक मक सां नेपःया शासक दलत अमेरिकाया ५५ अर्ब धेबाखय् लोभ याड चवना । अन्तरदेशीय प्रशारणालाइन व लॉ (सडक) दय्केता जक दैगु उगु धेबा थ्यं मथ्यं १४ अर्ब तका दां नेपाली थमनं हे लगानी याय् मःगु, नेपःया फुक्क धेबा न्हालाक हे पुलय मःगु, नपां अमेरिकां तःक याडः किस्ता बन्दीं बिइगु उगु धेबा

खुडगूगु स्वप पौ. बःछि पौ(पाक्षिक)

न्ह्यागुनं इलय् सूचं बियो मबिय फःगु बुँदा नं सम्भौताख्य दः । श्व नेपःता मभिकिगु ब्यवस्था खः ।

एससीसी पाखं वड्गु धेबा (अनुदान) अमेरिकी इन्डोप्यासिफिक रणनीतिपाखं वड्गु खः दक अमेरिकी अधिकारीपिसं हे तछ्याड धाय धुंकुगु दः । देया मूल कानुन सविधान स्वयो चव्य सम्भौताया बुँदा दैगु, लेखापरीक्षण (ल्याचा) अमेरिकी कम्पनी जक याय्दैगु, १४ अर्ब नेपाली दां नं लगानी याय मःगु उगु योजना हछ्याय्ता भारतया सहमती मःगु बुँदा सम्भौताया दकलय् ग्यापुगु पक्ष खः ।

सत्तापक्षया सांसद पिसं हे विरोध याड च्वंगु कारणं ओली सरकारं उगु योजना हचिइक्य मफयो च्वंगु खः । अभ उगु प्रस्ताव हछ्याय् मफूगुया कारण प्रचण्ड दोषी खः दक प्रधानमन्त्री ट्रपं बियो च्वंगु दः । “अमेरिकी राजदूतता सःत ओली दः तलय् एमसीसी पास याइमखु जि वयानिं पास याय” दक तःक हे सर्वदलीय बैठक्य ओलीं धःगु खः । ओलीया धापु खः दक मान्य याय्गु खःसा ओली व प्रचण्डया दश्वी एमसीसी पास याड अमेरिकाता लय्ताय्केगुली धिं धिं बल्ला याड च्वंगु धाय्गु खाँ थुइक्य थाकु मजु ।

उल्लेया नेकपा दुनय जूगु तः हांगु विवाद लिपा पूर्वप्रधानमन्त्री नपां एमालेया नेता भलनाथ खनालया कजिलय् छगू कार्यदल हे दय्क अध्ययन याता । खनालया कजिलय जूगु कार्यदलं एमसीसी सम्भौता अपलं हिलय्मःगु थाय् दःगु धायो प्रतिवेदन नपां बिय धुंकुगु दः । कार्यदलं स्पष्ट लेखा परीक्षण, कर्मचारी भर्ना, परामर्श दाता नियुक्ती, अमेरिकी भ्रमण कार्यदल ब्यूगु सुभाबता नं वास्ता मया । अः वड्गु चुनाव्य देउवानपां मिलय् जुयो चुनाव दानय्गु योजना काथं एमसीसी हछ्याय्तांगु खानय् दः । केपी ओलीं पार्टीया सांसद

पिसं साथ मब्यूसा नेकां व जसपा व राप्रपा नपां मिले जुयो अमिगु ग्वाहालीं एमसीसी पारित याय्गु उकिया लिधांसाय हे न्हँगु गठबन्धन दय्केगु कुतः याड च्वंगु खाँ न्यनय् दः ।

शासक दलयाय्पिसं ५५ अर्ब डलर अनुदानता आपाहां थाहां मस्यूसें बखान याडः चव.गु दः । देया सार्वभौमिकता व स्वतन्त्रताया हःनय एमसीसीया व धेबा छुं नं मखु । सार्वभौमिकताय् किचः वड्गु छुं नं ज्या सु नं गना नं याय् मज्यू । चिच्याहांगु छगू ट्रंकालि अमेरिकी सेनां भूगु देशय् कवाज म्हेत वै । उल्लेभी नुगः मछिंक पछुताव्य जुयो चवडां लाइ मखु ।

श्व सरकारया आयु नं उलि ताःहाक जुइगु सम्भावना खानय् मरु । जेठ महिनाय् नीति व ज्याइवः ह्यमःगु व जेठ १५ ख्य बजेट पिब्वय मःगु संवैधानिक ब्यवस्था दः । अः याय्गु अवस्था स्वयबलय् माधव-भलनाथया पुचलं सरकारया नीति व ज्या इवः ख्य साथ विइथें मचवं । नीति व ज्याइवः पास मजुसा प्रधानमन्त्री ओलीक्य राजिनामा बियगु बाहेकं मेगु लाँपु मरु । ओलीं जसपाया महन्थ ठाकुर गुटता न्ह्याथय् याड जूसां सरकारय् ह्यता जूगुया कारणं श्वहे खः । कर्णाली प्रदेशया मुख्यमन्त्री महेन्द्रबहादुर शाहीं विश्वासया मत कःबलय् एमालेया प्यम्हा सांसदपिसं हवीप (उल्लंघन) हाचां गायो वांसेलीं शाहीया मुख्यमन्त्री पद बच्य जुल । अथेनं फ्लोरक्रस यापुं सांसद पिन्ता छु कार्वाही याइगु खः वयां स्वय बाकी हे दः नि । भिम रावलं दे डांक कर्णालीया स्थिति ह्यता स्वयो च्वंगु जक ओलीता चेतावनी बिला ।

देश सड्कटया गालय् दुडु च्वंगु दः । संसद बांलाक न्ह्याक्य फःगु मरु । संसदय् यक्व हे विधेयकत लिक्कुड च्वनय्

धुंकल । अध्यादेश न्हापांगु बैठक्य हे पिब्वयमःगु वैधानिक ब्यवस्थाता न्ह्यो अःतक पिमब्वनि । राष्ट्रिय, प्रतिनिधसभा, प्रदेश सभा व स्थानीय तहख्य खालीगु (प्वंगु) थासय् पदया निर्वाचन याक्यगुली सुनं ध्यान ब्यूगु मरु । थजगु इलय छाया एमसीसी पास याकेगुलि छाया हथाय चायो जुला ?

धायो च्वं काथं एमसीसी या धेबां नेपाली तय्सं थिय तकनं खानीमखु । अमेरिका, भारत, जापान थजगु तः तः हांगु देशतयपाखं ठेकेदार कम्पनीत वै । निर्माणया फुक्क ज्या अमिसं हे याई । अलय विदेशी धेबा फुक्क अमिसं मुड यंकी । न्ह्याथाय हे धःसां प्रजातान्त्रिक ब्यवस्थाय् पक्ष-विपक्षय् बहस याय् दै अलय देशया सार्वभौमिकता व स्वतन्त्रताया निंतिं छुं नं धेबां सुनं कार्य सम्भौता याय् मज्यू । अजगु ‘पाप’ याः सा देशता मूलय तयो गः कियागु थें जुई । भूी शासक दल तय्सं श्व विषय बिचः मयासें मगा ।

केपी ओली पार्टीं दुनय तस्कं काथं मछिकं चवडु च्वनय् मःगु दः । एमाले व माओवादी अदालतया फैसला धात्थें खय्क नेख्य विभाजन जूसां एमाले दुनय्या माधव-भलनाथ खनाल गुटं माओवादी नपांया मंकः ज्या त्वः मतःनि धाय्गु दसु कर्णाली खानय् दत । उकिता एमाले क्वचाज्यंगु या औपचारिक सुरुवात काथं काय्फः । ओलीं थःगु सरकार ल्यंकः तय्ता एमसीसीया न्हँगु तास छपा त्वः तःगु खः । एमसीसी पाखं शासक दलपिनिगु न्हँगु (धुबीकरण) स्वापु मालय्गु हे सर्वदलयि बैठकया उद्देश्य दःगु सिय दः । अलय अमेरिकी स्वार्थया निमित्तं शासक दल पिसं एमसीसी पारित यात धःसा व देशघाती महाकाली सन्धी स्वयो सलंसः बाँमलागु व धवगिगु ज्या जुई । गुकिया मू तस्कं हे थिक्य जुई ।

नेवः ज्यापू तयगु जंक्व

• डा. हरि राम सुवाल, तडाध्यक्ष म.न.पा.-६

मनूया जीवनय् जीवन न्ह्याकयगु इवल्य् अनेकौ विधि व्यवहारत याई । गुगु व्यवहार संस्कारकाथं डाल काई, अलय् समाजय ल्यड च्वनि । सभ्यताया ताकी गयगू इवल्य् मनू तयसं थी थी इलय् अजगु थिति व्यवहारत थी थी परिस्थिति व हुनि थःगु जीवन न्ह्याकयगु इवल्य् डाय्केगु याई । अजगु व्यवहारत छम्हासिं कय्च्यागु मेम्हासिं डाल वं नं अथेहे याड यंकसेलिं संस्कार काथं हौ काई । अलय् बुलुहुँ मनूनं कः घाघां संस्कारकाथं च्वजायक यंकी । थजगु संस्कारं मनूतयगु जीवनता व्यवस्थित व सुसंस्कृत याड यंकयता ग्वाहाली याई । मचा बुय हौं निसिं हे थी थी व्यवहारत याड यंकय मः । अलय् मचा बुसां निसिं मसितलय् थी थी व्यवहारत यायां यंकी । अलय् मनूसीय धुडानं दाच्छी नेदा तक अनेक व्यवहार यायां यंकय मः । थथे याइगु व्यवहार हे संस्कार खः । संस्कारदुनयँ मनू तयसं मुड तकगु अजगु फुक्क खौं वई गुगु खौं वं थःगु वंश परम्परा वा सामाजिक परम्परां डालः काई । मनू समाजय् च्वड सामूहिक जीवन न्ह्याकिम्हा सामाजिक प्राणी खः । वयागु जीवन शैली हवनयगु इवल्य् सामूहिक विश्वास परम्परा मूल्य मान्यता संस्कारकाथं हिल वानि । मनूया जीवन नपां स्वापु दःगु धर्म दर्शन, चिन्तन, रचनात्मक आन्दोलन, आस्था, शिल्प, विश्वास, कला, सङ्गीत, नृत्य, आध्यात्मिक साधना, उपासना, नखा-चखा थजगु फुक्क खौं संस्कार दुनय् ला । थी थी धर्म दुनयँ थः थः गु काथंया संस्कारत दयो च्वनि । हिन्दु धर्मदुनय् नं थःगु हे काथंया चाल-चलनत दः । हिन्दुधर्म मानय याइपुं मनू तयगु बुसां निसिं सी बलय्तक खय् अपलं सरंकार कय्च्याड च्वंगु दः । अलय् गुलिं हिन्दु धर्ममानय् याइपुं मनूतयसं मचा मांया प्वाथय् च्वसां निसिं सीय धुडा नं तक थी थी संस्कारयाड च्वनि । हिन्दुधर्मखय् गर्भाधान संस्कार, पुसंवन संस्कार, सिमंतोनयन संस्कार, जातकर्म संस्कार, निष्कर्ष संस्कार, अन्न प्रासन संस्कार, चुडाकर्म संस्कार, कर्ण बंद संस्कार, बेद संस्कार, बेदारम्भ संस्कार, उपनयन संस्कार समावर्तन संस्कार विवाह (ब्योह) व मृत्यु संस्कारत ला । अपलं नेवः ज्यापू समुदायया मनूतनं हिन्दु धर्म मानय् याइपुं जूगुलिं अमिगु संस्कारय् नं हिन्दु धर्मकय्च्याड च्वंगु दः । अलय् गुलिं नेवः ज्यापुतयगु संस्कार हिन्दु धर्मकय्च्याड च्वसां थःगु हे संस्कार नं मरुगु धःसा मखु ।

नेवःतयगु समाजय् थः मां ब्वा बुहाबुही जुलकिं काय् म्हयाय्, भौ, छय्पुं, छुइपुं सकल सिनं बुहाबुहीपिन्ता हनाबना याड ता आयुया कामना यासे जंक्व यायगु चलन दः । अथेहे ज्यापु जातितय् नं बुहाबुहीया क्व छिड तःगु निश्चित दाँ (उमेर) थ्यनकीं जंक्व यायगु चलन दः । बुहाबुही न्हँ पां ७७ दा, ७ ला, ७ न्हँ ७

घडी, ७ पला दतकीं जंक्व यायगु चलन दः । वहे बुहाबुहीपुं म्वाड च्वंसा चय्स्वदा व प्यला व प्यन्हू दः खुनुं अथेधायगु थःगु जीवं द्वछिम्हा (चन्द्रमा) तिमिला या दर्शन याय् धुंगु काथं उखुनुंया पुन्हीया दिनयँ चान्हयँ नेकगू जंक्व यायगु चलन दः । अथेहे स्वकगू जंक्व चय्च्यादा व च्याला व च्यान्हू दःखुनुं, अलय् प्यकगू जंक्व गुडगुदा व गुला गुन्हू व डाकगू जंक्वः सच्छी व च्यादा (१०८) व हिला व हिन्हुया दिनय् जंक्व यायगु चलन दः । गुकिता दसिकाथं भीम रथारोहण, चन्द्र रथारोहण, देबःरथारोहण, दिव्य रथारोहन व महादिव्य रथारोहण जक धाई । अलय् जंक्वः खचा नं न्हापां सर्लाँ दःगु, वनं लिपा तुइम्हा हायँचा अलय् गरुड दःगु खचा दय्की । गनां गनां स्वकगु जंक्वखय् भ्यालं थाकाइसा प्यकःडाकगु लि कःसीं थाकायो त्यपय् तयो त्यप तछ्याड न्हुगु जन्म जक नं धायो याइगु चलन दः । ख्वप नगर दुनयया ज्यापु तयसं मचाजंक्व याइगु चलन मरु । जंक्वया लसताय् (इहिपा याय् धुं) बियो छ्वय् धुं म्हायामचापुं, भेन्चापुं थः थितिपिसं जंक्व याम्हासिता नपां तयो स्वगं बिई । अलय् म्हायामचा पिसं जंक्व यापुं बुहाबुहीपिन्ता व, वया कायपिन्ता नं ब्यताली तयो स्वगं बिई । अलय् धौ व छ्यँ नं लः ल्हाड स्वगं बिई ।

जंक्वः

जंक्व याइखुनुं सुथाय् त्यलं छँ बाँ इलः म्वः ल्हयो चोख याड पुजा तै । अलय् बुं सःगु दक्व अन्नया ज्वलं छि परिकार दय्कय् मः । छँ या जः पिसं बारां छुकय्गु धायो वाकी जाकी आनि या की । व नपां पुः गाचा नं बिई । पुलु सुकुचा नं तै । मनूसीबलय् छु छु मःगु खः व फुक्कं स्वगं बिइगु इलय् तयमः । जंक्व याइम्हासिता जंक्व तिसा नं तिइकी । गुकिता पुनाय्चा धाई । खुसीया निनाः, गैडां न्हुगु चा नं मः । जुसी बःजु, बःजु, आँचाजु तयो मन्त्रपाठ याई । उब्लेनं स्वगं बिई । अलय् जंक्व यापुं बुहाबुही पिन्ता वया काय् भौ, म्हयायँ, जिचाभाजु, भेन्चापुं, छय्पुं, छुइपुं सकलसिनं खचाय् तयो थःथः गु लागाया गणेदेकय् थेंक लुयो यंक चाहिइकी । लुयगु इवल्य् खचाय् हःनय् कायम्हासिं कलश व भौमचां बाँ पुड यंकी । अलय् गुम्हां गुम्हां सिया देचाहिइकेगु नं या । बुहाम्हा जंक्व याइगुइलय् वया जहान बुही नं दःसा वातानं खचाय् नपां तयो चाहिइकिगु चलन दः । ता ई तक म्वापुं मनूत सीडानं छो जुइगु धायगु नेवः तयगु विश्वास अः तक ल्यं दः नि उब्ले बहनी थः इष्टमित्रपिन्ता भवँ नकी । भवँ वैपिसं नं धौ, बेताली, नपां छ्यँ ज्वड वै अलय् जंक्व यापिन्ता बारां छुकेगु याई । नपां छँ जः पिन्ता नं थाकालीपिन्ता नं स्वगं बिई । कन्हय् खुनुं धःसा भारी थाड क्वचाय्की ।

अन्तर नगर व खप नगरपालिका

• श्यामकृष्ण खत्री (तडाध्याक्ष १)

मित्रता, अनुशासन व जागरूकताया लागि कासा धाय्गु मू नारा ज्वडः खप नगरपालिकां २०४३ सालय् निस्वांगु नगर खेलकुद समितिं २०५१ साल निसैं डागू कासा स्यनय्गु (प्रशिक्षण) याडः न्ह्याकगु खः । २०७६ सालय् जिम्नास्तिक कासां प्रशिक्षण न्ह्याकगुलि अः खुगू कासा स्यनय्ज्या याडः वयो च्वंगु दः ।

खप नगरपालिकां शिक्षा स्वास्थ्यता हःनय् तयो कला-संस्कृति ल्यंकः म्वाकः तय्गुलि बांलाक ज्या याडः वयो च्वंगु खाँ फुक्क सिनं स्यू । सुचुकुचु ज्या खय् खप तस्कं हनय् ला । कासाया लागाय् नं खपता राष्ट्रिय व अन्तर्राष्ट्रिय लागाय् म्हासिडकय् ब्रियग् मति जनप्रतिनिधि पिनिगु दः । २०४६ सालया जन-आन्दोलनय् सहादत जुयो द्यूपुं सहिद पिन्ता हानेज्या, घःप जूपुं धाइटे योद्दापिन्ता सम्मान याय्गु काथं ग्वसः ग्वगु चेष धिधिं बल्ला कासा २०७७ फागुन २९ गते निसैं चैत्र ३ गते तक कोभिडया हुनिं म्हुवचा इलय् हे ग्वसः ग्वयो बुद्धिचाल संघ, भक्तपुर जिल्लाया संघ-संस्थाया बांलागु रचनात्मक सुभावं अन्तरनगर चेषया धिं धिं बल्ला याय्गु सुभावं काथं उगु धिं धिं बल्लाकासा बांलाक हे क्वचाल ।

नीन्यगू नगरपालिका दुतिंगु उगु कासाया धिं धिं बल्लाजुइगु हल दुनय् चेष बोर्डता हनय् तयो थः थः पुं प्रतिद्वन्दीपिनिगु दथ्वी टेबुलय् च्वनिबलय् चेष बोर्डता विश्वया नक्सा स्वयो आक्षांश व देशान्तर मति तयो अमेरिकी सेना छु छु देशय् दः, उकिता गथेयाडः ख्याचव ब्रियग्, पंगः थानय्गु थुइकय्मः । अमिपुं सेना दक्षिण एशियाय् दः । भारतया पूर्व व पश्चिमय् नं अमेरिकी सेनात च्वडः च्वंगु दः । च्वडः च्वंगु दै धाय्गु खाँ थुइकः तुरुन्त विपक्षीयाय्तांगु जः थुइक गोती (चाःगः) न्ह्याकय् मः । उलेज्याया इलय् मू पाहाँ का. रोहित जुं मार्ग निर्देश याडः द्युगु उगु कासाया धिं धिं बल्ला प्यन्हू तक जुयो क्वचःगु खः ।

दार्यं दार्यं पतिकं जुइगु विद्यालयस्तरिय धिं धिं बल्ला कासा व कासा स्यनय्ज्या नगरपालिका दुनय् व नगरदुनय् वडः च्वंगुं ब्वनामिपिन्ता पुसा काथं हवय्क, सय्कः मानां मुरी दय्केगु कन्हय् मुरीमुरी बांलापुं कासामिपुं ब्वलांकेगु मति खप नगरपालिकां तःगु खः ।

कासा खय् त्या बु पक्का नं जुई । बुसा गथे बुता जक ज्ञान काय्दैगु त्याःसा मन हवय्कः हकनं बांलाक म्हेतः हज्याय धाय्गु मतिं म्हेतय् मः । अथे धाला जक ब्वनय्गु त्वःत बांलाक म्हेतेगु जक धायो कासाखय् जक वानय्गु ज्या ब्वनामि केहें किजापिसं याय् मज्यु । कासा व ब्वनय् ज्या नपांनपां यंकय् मः

गुकिं छम्हा छम्हा ब्वनामिपुं शारीरिक व मानसिक रुपं बल्लाड हज्याय् फैं । थव नगरपालिकाया मति खः ।

खप नगरपालिकां प्रशिक्षण ब्युगु कासा जक मखु, अन्तरनगर विद्यालय स्तरया धिं धिं बल्ला नगर दुनय दःगु स्रोत साधन प्रशिक्षण, नगरस्तरीय धिं धिं बल्ला याडः नेगू प्यंगू कासाखय् बांलापुं कासामिपुं ब्वलानिगु आशा याय् छिं । कासा ख्यलय नगरपालिकां लगानी याडः खेल जीवन लिपा कासामिपुं, प्रशिक्षकपुं, ल्यज्यामि(निर्णायक) पिन्ता ब्रियो च्वंगु हनाबनां याडः कासामिपुं कासाखय् दुबिडः देशया लागिं व सार्वभौमिकता रक्षा याय्या लागिं म्हेतय् फः । खपय् नं सय्कः सिडक थः थः गु थासं दुतिंगु कासामिपुं व दुतिंगु नगरपालिकां नं कासामिपिन्ता स्यनिगु नं विश्वास कःगु दः ।

खपय् कासामिपुं, ल्यज्यामि पुं, कासा स्यनिपुं प्रशिक्षकपुं थःकय् दःगु कला छ्यलः खपता म्हासिडकय् ब्रियगु नपां समाजय् सुसंस्कृत नागरिक दय्केगु विकृति विसंगतिं तापाक्क यंकेगु भिंपुं योग्य नागरिक ब्वलांकय्गु खप नगरपालिकाया उद्देश्य खः । ज्या साडः नैपुं ज्यापु ज्यामिया काय् म्हायाय् पिन्ता कासाया ख्यलय् न्ह्यलुवा जुय फैंगु काथं प्राविधिज्ञत ब्वलांकेगु मतिं कासाया ज्या इवः हज्याक च्वंगु खः ।

समूदाय हे भिंकय्गु मतिं खप नगरपालिकां सामुदायिक स्तरय् कासाखहे वासया काथं ज्यायाय् फैं धाय्गु विश्वास ज्वडः प्रचार-प्रसार सल्लाबल्ला याडः समाजया भिं जुइगु ज्या याडः वयो च्वंगु खः । न्हूंगु पुस्ताता गथे कासाखय् नं मन लुयो काय्गु काथं ज्या याय्गु, कासाखं ल्यासे ल्याम्हो, ब्वनामिपुं कुलतं तापाकय्गु वास काथं हछ्याय्गु मति तयो हे नगरपालिकां ज्या साडः च्वंगु खः ।

नगर दुनय्याय् पुलापुं कासामिपुं अभिभावक पुं, शिक्षकपुं तयो बैठक च्वडः छलफल याडः, तालिम गोष्ठी सेमिनारयाडः कासाखय् मन लुयोकायो च्वंगु दः । खप नगरपालिकाया फुक्क जनप्रतिनिधिपुं नेपाल मजदुर किसान पार्टी पाखं त्याकः वपुं जूगुलिं पार्टीया उद्देश्य काथं शिक्षा व स्वास्थ्यखय् हज्याडः ज्या सांगु नपां जनताया स्वास्थ्य कासानपां नं स्वापु दःगुलिं थुगु लागानं हछ्याडः च्वंगु खः ।

खप नगरपालिकाया छगू छगू ज्याखं कासामिपिनिगु मन हवय्केगु ज्या याडः वयो च्वंगु दः । गुकिं नगरस्तरीय कासामिपुं जिल्ला स्तरिय, प्रदेश व राष्ट्रिय अन्तर्राष्ट्रिय स्तरया कासामि जुयो वानिगु जनप्रतिनिधिपिसं विश्वास याडः च्वंगु दः ।

खप नगरपालिकां नगर विकास नपां नपां राष्ट्रया विकास

खुडगुगु स्वप पौ. बःखि पौ(पाक्षिक)

नं आर्थिक रूपं सक्षम जुयो उन्नति याय्ता कासाख्यलय नं योगदान याय्गु मतिं कासाया ज्याइव नं ह्य्याडः, कासाता कासाया मिखालं जक मस्वसें अनुशासित, सभ्य व सुसंस्कृत नागरिक ब्वलांक थी थी वर्गता छप्पा छधि याड ह्य्याडः यंकेगु उद्देश्य ततं वयो च्वंगु खः ।

धात्थे कासाता बांलाक भिंक व तःमि याड यंकेगु खःसा ज्या साड नैपुं ज्यापु ज्यामिया शासन ह्यूमः । अजगु शासन सत्ताय् कासा महेतसिं मगा । आना अनियमित जुइ मखु । खेलकुद परिषद भ्रष्टाचारी तय्गु लाहातय् लाइमखु । इमान्दार, नैतिकवान, गरिब व ज्यापु ज्यामिया काय् म्हाय् पिसं खेलकुद परिषद न्हायाकी । भ्रष्टाचारीत फुक्क जेलय् लाई बांलापुं सः पुं कासामिपुं राष्ट्र व अन्तर्राष्ट्रिय लागाय् धिं धिं बल्लाखय् ब्वति कः वानि । छंम्हा-जिम्हा मखु भिंम्हा बांलाम्हा कासामिं ब्वति कः वानि । वहे काथं कासाता सुसंस्कृत व मित्रवत व्यवहारं घ्वाड यंकेगु भ्नी जनप्रतिनिधि पिसं प्रतिवद्धता प्वंकः ह्य्याडः च्वंगु खः ।

अन्तर नगर धिं धिं बल्ला कासाया इलय् थी थी नगरपालिकापाखं ब्वति कः भ्रुपुं कासामिपिसं, प्रशिक्षक पिसं ख्वप नगरपालिकां कासा ख्यलय याड च्वंगु ज्या इवः जक मखु मेमेगु लागाय् याड च्वंगु ज्याइवः तः स्वयो देया ७५७ गू स्थानीय तहं ख्वप नगरपालिकां थें ज्या यागु जूसा देया ख्वः सिइकेता थाकु मजुइगु खॉ ब्याकल । थुगु काथं ख्वप नगरपालिका देशता हे लाँपु क्यनिगु छप्पा जाहाँ थिगु मता थें जूगु दः । नेमकिपां कःगु बिच व ज्या इवः खं लय्तायो न्हापा त्वः त भ्रुःपुं प्रशिक्षक व कासामिपुं मन ह्वय्कः ल्याहाँ भ्रुःगु दः । जिमिसं सञ्चारया गलत खॉ याता विरोधयाडः ख्वप व नेमकिपाया विरोध याइपुं अनेक आरोप वियो चिच्यामनं याड च्वंगु द्वपया विरोधय् फः थें सचेत याड ह्य्याय् दकः वयकपिसं प्रतिवद्धता प्वंकल । ख्वपया स्वच्छता व बांलागु खॉयाता उल क्यनय्गु खॉ जिमिगु कर्तव्य खः थ्वखॉ जिमिसं थःगु थासय् कानयँ जक कासामिपिसं नं धायोदिल ।

धात्थे हे शासकदलया अकर्मन्यता, बिचः, अदूरदर्शिता, शिक्षा, आर्थिक अनियमितता, कासा जक मखु बिचः नपां दरिद्र जुयो च्वंगु इलय् ख्वप नगरपालिकां समाजता हे बुद्धिजीविकरण याय्गु मतिं ज्या साडः च्वंगु दः । गना शैक्षिक रूपं सक्षम समाज जुई, जनताया सांस्कृतिक स्तर च्वजःगु समाज दै, स्वस्थ समाज, दे व जनताया नितिं समर्पित कासामिपुं, लाहातय् ज्या दःपुं ल्यासे-ल्याम्होपुं ब्वलांकेगु ख्वप नगरपालिकाया म्हागस खः ।

ख्वप नगरपालिकां अन्तर नगर धिं धिं बल्ला कासा व विद्यालय स्तरया कासाया धिं धिं बल्ला खय् सिरपा त्याकय्गु मतिं जक मखु अवसरया काथं नं कासा म्हेतय् मःगु व अन्तर नगर धिं धिं बल्ला कासाय् सिरपा त्याकय् मफूसां लिपा त्याकय् फैं धाय्गु आशां म्हितय् मःगु व कासामि ब्वनामि, ब्वनामि

कासामि जुलकिं बांलाम्हा कासामि काथं ब्वलानिगु प्रशिक्षकपिनि पाखं ज्ञान सिइकय् दै । ब्वनय्कथिया स्यनामिपिनिपाखं नं ज्ञान, सीप स्यनिगुलिं बांलापुं कासामिपुं ब्वलानिगु विश्वास काय् फः । ब्वनामि कासामिपुं बांलाइगुलिं अपुं सुसंस्कृत जुइ धाय्गु नगरपालिकाया इच्छा खः ।

नेपाल मजदुर किसान पार्टी चुनावया इलय् प्वंकगु प्रतिवद्धता मध्ये कासाया लागां ल्यासे-ल्याम्होपिन्ता थ्वँ-ऐला (मध्यपान), धुम्रपान थजगु लागु पदार्थ तापाक्क तय्गु सार्वभौमिकता रक्षाया लागिं ल्यासे-ल्याम्होपुं हचिइकेगु नपां दायँ दायँ पतिकं अन्तर नगर धिं धिं बल्ला कासा याय्गु नं खः । वहे प्रतिवद्धता काथं न्हापांगु वर्षय् २०७५ सालय् अन्तर नगर भलिबल, नेगूगु दायँ कराते, स्वंगूगु दायँ एथलेटिक्स, प्यंगूगु दायँ चेसया धिं धिं बल्ला भव्य रूपं क्वचाय्कगु खः । उगु कासाया नितिं नीडागु लाख तका दां (१२/१२) या बजेट छखय् लिइकगु खःसा तः लापुं कासामिपिन्ता नगद व मेडल नं ब्यगु खः । नपां दुतिपु, नगरपालिकाता शिल्ड व स्वंगू लाख व ड्युद्वतका दां निसें ड्युद्वतका दां सिरपां हांगु खः ।

अथेहे विद्यालय स्तरया धिं धिं बल्ला कासाय् न्हापांगु दायँ च्यागु कासा, नेगूगु दायँ हिंछगू कासा, व स्वंगूगु दायँ हिंछ्यंगू व प्यंगूगु दायँ कोभिडया हुनिं हिगू जक कासाया धिं धिं बल्ला यागु खः । ब्वति कःपुं ब्वनय् कथिता कासाया सामग्री, तः ला पिन्ता शिल्ड व कासामिपिन्ता दसिपौ व मेडल वियो सम्मान यागु खः । थुगु कासाया धिं धिं बल्लाता नं नीडागू लाख तका दांया बजेट छखय् लिइकगु खः ।

ख्वप नगरपालिकाया ग्वसालय् जूगु चेस धिं धिं बल्ला कासाखय् युवा तथा खेलकुद समितिया दुजः कुमार चवालं लसकुस न्वचु तयो नपां वडा नं. १ या वडा समिति २०७७/१२/२९ गते न्हायाकगु न्यालीया नेतृत्व नगर प्रमुख सुनिल प्रजापति जुं याडः द्यगु खः ।

नेपाल मजदुर किसान पार्टीया नायो नारायण मान बिजुक्छें जूया मू पाहाँलय् उलेज्या याड द्यगु अन्तर नगर चेस धिं धिं बल्ला कासा सं नेपाल मजदुर किसान पार्टीया छ्याञ्जे प्रेम सुवालया प्रमुख आतिथ्यताय् समापन व सिरपा लः ल्हाय्गु, ज्या इवःसं विशेष ज्या जूगु खः । पाहां काथं वागमती प्रदेशया सांसदपुं सुरेन्द्र राज गोसाईं, सृजना सैँजु, उपमेयर रजनी जोशी, पाहांपुं एस.पी. तारा थापा, बुद्धिचाल संघया भाजु श्रेष्ठ, भक्तपुर जिल्ला संघ, विद्यालय, शिक्षक, ब्वनामिपुं, पत्रकार बुद्धिजीवी, जनप्रतिनिधिपुं, प्रशिक्षकपुं, ल्यज्यामिपुं प्रहरी कासाप्रेमीपुं नपां सकलसिता ख्वप नगरपालिका युवा तथा खेलकुद समिति पाखं सुभाय् देछायो दिसै वैगु दिनय् नं अझ बांलाक कासा धिं धिं बल्ला याय् फय्केता सल्लाह फ्वड द्यगु खः ।

२०७७ ता लिफ स्वया बलय्

दाच्छीया दुनयँ गुलिं घटनात मति मत थें जुई । गुगुं मति तयागु ज्या नं थी थी कारणं याडः याय् फै मखु । अलय् मनय् याय्गु खाँ मनय्सं लिक्कुडः च्वनि । अलय् बुलुहुँ वहे ज्याखं त्यतु त्यलः मनूया जीवन स्वतिपायँ खय् स्वतिड वानि । दे नं अथेहे खः । कोरोना भ्वल्वयया महामारीं लितुमतु लिक्कः अलय सत्तारुढ शासक दल नेकपाया नेतातय्गु पदयानितिं खिचा ल्वाथें ल्वाड च्वंगु लू हे २०७७ या दकलय् अपः बयबय् जूगु खाँ जुल । २०७७ ता लसकुस याय्गु इलय् नेपःमि पिन्ता लकडाउनं स्वताक ज्वड तःगु जुल । कोरोना भ्वल्वय लाखे प्याखं ल्हूयो तिं तिं न्हूयो जनताया कपालय् न्हूँ न्हूँ भ्व छ्याड च्वंगु जुल । उगु कोरोनाया ताण्डव पानयता सरकारकय् मः काथंया पूर्वाधार व संयन्त्र दय्के मफः । लां लां तक यागु लकडाउनं जनताया आर्थिक जीवन भन भन स्वतिड वान । गामय् छुं हे ज्या मरुसेलिं गामय वापुं मनूतनं मखांकः मखांकः सहरे द्रहँ वय्गु यात । खाडी देशय् कोभिड १९ भ्वल्वचं अपलं महामारी याड डाडः, पुडः वांसेलिं अथेथथे मदय्क मफू मफू थःगु देशय् ल्याहाँ व पुं ल्यासे ल्याम्हो पुं थानानं ज्या मरुसेलिं भाजनय् नं तिन्हूयो वांम्हा डा मिजलय्तुं लाथें फ्याटाफ्याटा काड जुल । अपुं न्ह्याथय् याड जूसां खाडी मुलुकय् हे ल्याहाँ वानय्गु दिन पिड च्वना ।

कोभिड १९ भ्वल्वय मपुंक पाड तयता मः काथंया ब्यवस्था यायता लां लां बित । क्वारेन्टाइन स्थल दय्केगु जिम्मा स्थानीय तहया कपालय् तयो थः भाजुमनि जुयो छखय् लिड जुल । क्वारेन्टाइन व अस्पतालत सुविधा सम्पन्न मजुसेलिं आनानं ल्वय पुसा जुयो थाय् थासय् सरय जुयो डाड वान । गुकिं महामारी जुयो दे डांक ल्वय डाडः वान । गुलिं स्थानीय तहलय् नां जक याय्गु आइसोलेसन व क्वारेन्टाइन दय्कला । खः ला खः जक याता । संक्रमण अप्वयो व सेलिं मःगु भ्यान्टिलेटेरया ब्यवस्था सरकारं याय् मफूत ।

बुलुहुँ संक्रमण भातिचा म्हवँ जूयो वाडानिं सावधानीया नियमत बुलुहुँ छ्वासुक हल । विशेष याड उद्योगी ब्यवसायीपिसं कोराबियो बः यासेलिं सरकारं सडक्रमण प्रतिरोधी प्रावधानत माने याय् म्वाय्कः छ्वासुकः यंकला । अथेनं ब्वनय् कुथित धःसा ता ई तक भौतिक रुपं ब्वनामित सःत आखः ब्वंकय् मब्बू । अनलाइन पाखं हे ब्वंकय् बियो च्वना । कोरोनाया न्हापांगु लहरय् नेपःमि पिसं गुगु दुःख कष्ट नयो स्वास्थ्य व शिक्षा थजगु आधारभूत लागाय् सरकारं ध्यान तयो लगानी

याय् मफःगु अनुभव नेपः मि पिसं यात । शिक्षा व स्वास्थ्यता निजी क्षेत्रया लवः नय्गु थाय् काथं याकय् बियो अमिसं दुरु न्ह्याय् दः मैचा यासेलिं सडकटया इलय् जनताया सेवा मयाइपुं खः धाय्गु खाँ महामारीया इलय् बांलाक सिय दत ।

उगु इलय् न्हिं डासम्हा ल्याखं कोरोना भ्वल्वयया मनूत ताँ तां वाड च्वंगु जुल । कोभिडया न्हूँगु प्रजापतिया सडक्रमणया खाँ न्यँ न्यँ जनताता सजग यागु खानय् दः । अलय् स्वास्थ्य पूर्वाधार व सुविधया ल्याखं म्हेगया अवस्थां थौं नं उलि मू पुलय् फःगु मरुनि । महामारी मपुंकः पाड तय्या नितिं पूर्वाधार अजनं गाकः मरुनि ।

सरकारं भारत व चीनं हःगु डागु च्यागु लाख कोभिड प्रतिरोध खोप याकः खोप अभियान न्ह्याकला । अलय् मः क्व खोप मवसेलिं खोप अभियान पू वांकय् मफूत । न्हापांगु मात्राया खोप कःपिसं नेगूगु मात्राया खोप काय मखांनी । नेगू मात्रा काय मःगु खोप छगू मात्रा जक कःसा वासं मथिइगु खाँ सः स्यू व थूपुं विज्ञापिसं धायो च्वंगु दः । सरकारं २०७८ बैशाख ७ गते निसं नेकगू चरणया खोप अभियान न्ह्याकय्गु धःगु दः । (छुं छुं न्ह्याकय् नं धुंकल) अलय् मःछि खोप मरुगुलिं व फुक्कसिता थ्याकय् मफैगु अनुमान याड च्वंगु दः । अः भारतय् हे भन भन कोभिडया ल्वगित अपलं अप दयो वसेलिं थी थी देशता बिय धःगु खोप वं बिय फैमखु दक धाय् धुंकल । चीनया युनान प्रान्तय् अः कोभिड संक्रमण खानय् दःसेलिं चीन सरकारं खोपया अपलं मात्रा युनानय् यंकसेलिं वं नं मेमेगु देशता माक्व खोप विय फैगु अः खानय् मरु । थजगु इलय् हलिमयया देश तयसं खोप अपलं अपः उत्पादन याय्गुया मेगु लाँपु मरु । कोभिडया खोप इडः बियता विश्व स्वास्थ्य संघया न्हयलुवाय् निस्वांगु कोभ्याक्स अभियानं नं खोपया विषय तः तः हांगु तःमिगु देशया नियन्त्रणं न्यायपूर्ण खोप इड बिय फःगु मरु ।

वि.सं २०७७ या कोभिड १९ या महामारी थें बयबय् जूगु मेगु विषयः, सत्तारुढ नेकपा दुनय् भागवण्डा मिलय् मजुयो जुयो च्वंगु ल्वापु नं खः । एमाले व माओवादी केन्द्र मिलय् जुयो निस्वांगु नेकपा दुनय् मि च्याड च्वंगु ल्वापु थुगुसीया डाला खुला फुसानिसें हे खानय् दःगु खः । प्रधानमन्त्री ओली व नेकपा नेता पुष्पकमल दाहाल दश्र्वी जूगु ल्वापु प्रधानमन्त्री संसद विघटन याडः चुनावया घोषणा यासेलिं भन भन च्वजाल । ओलीं सरकारता ज्या हे सांकय् मब्बूगु धा धा संसद विघटन

याय्गु घोषणा याता । दाहाल नपां नेकपाया नेतापुं माधव नेपाल व भलनाथ खनालपुं प्रमया उगु पला असंवैधानिक धा धां लायँ वयो जुलुस यो वला । खयां नेकपा कानुनी रुपं छगू तुं खानय् दःसां नेगू अलग-अलग दलय् तज्यात । वर्षया खुल्ला तक नेपःमिपिसं शासक दलया जात्रा स्वयो चवना । दाहाल व नेपाल खेमां ओली सरकारया विरोधय सडक संघर्ष याता । ओली थःगु पला धिसिलाक चुचुं बचेयायां हज्यात ।

प्रधानमन्त्रीया उगु ज्याया बारे देया सर्वोच्च अदालतय् मुद्दा हे जुल । मुद्दाया छिनोफानो यायां न्यायपालिकां प्रधानमन्त्रीया पलायाता असंवैधानिक घोषणा याडः प्रतिनिधिसभा विघटनया निर्णय खारेज याड बिला । मेगु छगू निर्णय खय् सर्वोच्च अदालतं 'नेकपा' नां न्हपा हे दर्ता जुयो च्वंगु अवस्थाय् एमाले व माओवादी केन्द्र दथ्वीया एकताता अदालतं कानुनविपरित ठहरय् यासे (एकीकरण) नेगू छगू जुय हाँ या अवस्थाय् तुं थयंक बिला । अदालतया थुगु निर्णय खं दे हकनं मेगू अन्योलय् तः क्यन । सत्ता संघर्षया न्हूगु पहः राजनीतिखय् खानय् दः दं वल । न्हूगु देँ ता लसकुस यायां तुं देशय् ओली सरकार ल्यंकय्गु वा क्वः थय्गुलिं लुतुलुयो चवना ।

कोभिड १९ महामारीया कारणं क्वछिय धुंगु 'पर्यटन देँ २०२०' दिक्ु याय माल । अर्थतन्त्रया छगू बल्लागु लिधंसा काथं हज्याड च्वंगु पर्यटन उद्योग अभ् नं बांलाक तीप्यनय् मफूनि । शिक्षाया लागाय् नं इतिहासय् अःतक गुब्ले फय्म्वःगु क्षति बि.सं. २०७७ य् फय्माल । विश्व अर्थतन्त्रय् वगु मन्दीया लिचवः नेपःया अर्थतन्त्र नं फय् माल ।

भारतं हेक्लामिचेयाड त्यल कःगू नेपःया भूमि लिपुलेक, कालापानी व लिम्पियाधुरा नपांया न्हूगु राजनीतिक नक्सा नेपःया सरकारं पिबवता । व छगू महत्वपूर्ण पला खःसां वहे काथंया भूमि लिता काय्गुलि सरकारं छुं हे ज्या याड च्वंगु मरु । त्यल कःगु भूमि नपां या चवकाचा पिकायो तःगु नक्सा देशय् व देशं पिनय् प्रचार याय्ता सरकार ग्याड च्वंगु दः । नेपः या भूमि लिताकाय्ता कुटनीतिक व अन्तर्राष्ट्रिय दबुली सरकारं छुं हे यागु खानय् मरु ।

२०७७ या थयं मथ्यंलीपाया इलय् दाड छक थुगु न्हूदेँता स्वयबलय् नं तस्कं हे थाकुइगु व ग्यापुइगु खानय् दः । कोभिड १९ या महामारीनपां शासक दलया सत्ता ल्वापुया कारणं न्हूगु वर्षय नं नेपःमि पिनगु दिन अभ् कष्ट व दुःखं जायगु खानय् दः । जनतात तस्कं सावधानी जुयो जनतात न्हयलं चाय्कः हज्याय फःसा जक सरकारता जिम्मेवारी काय्कः जनताया समस्याता हःनय् तयो ज्या सानिगु सरकार काथं दय्के फै ।

स्वार्थया ल्वापू

• रामेश्वर

देशय् निरंकुशता वल, प्रजातन्त्रं पुडछोत
३० दाँ तक पञ्चायत नं वल, जनआन्दोलनं पितिडछोत
राजतन्त्रया महत्वकांक्षा यक्व जुल
जनताया मौलिक हक हनन यात
हाकनं छक जनआन्दोलन जुल,
प्रजातन्त्र पुनःस्थापना जुल
राजतन्त्रयाता पितिड गणतन्त्र वलः,
गणतन्त्र वल नं जनतातय्ता छु दता ?
दःसा वहे नेतातय्ता जक, पालंपः सरकारय् वानय् दता
तर जनताया समस्या सम्बोधन मजु
नेतात सत्ताया लागिं खिचा ल्वाथे ल्वात
थगु स्वार्थया ल्वापु दथुइ
जनतातय्ता दुःख जक बिल
वहे स्वार्थया ल्वापु बन्द व हडताल
सास्ती व दुःख फुकं जनतातय्ता जक
बन्द याइपुं नेतात पजेरो व प्राडो गर्ई
गरीबया ट्याक्सी मिः छेवक बिः
सर्वहारा नेताया नौटकी व स्वेच्छाचारी नेताया प्याखं
गातः अ जनतातय्सं स्वय् गातः
तधांगु पार्टीया सामन्ति सोच व विचः
अभ् नं ल्यं दनी
भिसं अः विकल्प मस्वसाः
धात्थे हे लिपा लाई
गुलि लिपालाता जनताता
न्त्याब्ले दुःख हे जक जुई ।

ख्वप नगरपालिका नगरवासीतय्गु

थगु हे संस्था खः

करदातातय्सं इलय्हे कर पुलदिसँ

नगरयामु विकासयाता ग्वाहाली याड दिसँ

स्वप नगरपालिकाया ज्या भवः त

वागीश्वरी क्षमता अभिवृद्धि तालिम

चैत्र २७

वागीश्वरी कलेजया गवसालय व विश्व विद्यालय अनुदान आयोगया मंकः ज्याख्य् वागीश्वरी कलेज व थी थी संघ संस्थाया कर्मचारीपिन्ता स्वन्ह्या क्षमता अभिवृद्धि तालिम बिल ।

कलेज व्यवस्थापन समितिया नायो नपां खवप नगरपालिकाया प्रमुख सुनिल प्रजापति जुं त्वादेवःख्य् मता च्याक उगु ज्या इव उलेज्या याड् द्यूगु खः ।

ज्या इवःसं नगर प्रमुख प्रजापति जुं विज्ञान व प्रविधिया युग्य् कर्मचारीत प्रविधिमैत्री जुयमःगुलि बः बियो दिसे व्यक्तिगत स्वार्थया नितिं ज्यासानिगु बानिखं याडः भ्नीगु दे आर्थिक रुपं लिपा लागू खाँ काड् दिल । समाजया नितिं ज्या सानयगुलि बः बियो दिसे वयकलं तालिमं सय्कागु ज्ञान व सीपं संस्था विकास व प्रगतिया नितिं थव स्वयो बांलाकः ज्या याय्ता घ्वासा बियो दिल ।



न्ह्यागुं लागाय् ज्या सानिपिन्के कानुनी ज्ञान दयहेमः धायोदिसे वयकलं थःकय् दःगु कानुनी ज्ञानं थमनं यायमःगु ज्या थःगु कर्तव्य व अधिकार छु खः धाय्गु थुई धायोदिसे शिक्षक व कर्मचारी पिन्के क्षमता अभिवृद्धि याय्गु धाय्गु मथां हे गुणस्तरिय ज्या याय् फँगु खः नपां ब्वनय् कुथि व संघ संस्थाया विकास व प्रगति आना च्वंपुं शिक्षक व कर्मचारी पिनिगु लाहातय् दैगु खाँ काड् दिल ।

वागीश्वरी मा.वि. या प्र.अ. कृष्ण प्रसाद धन्छां न्ह्याथिन्योगु पंगःत नं हाचां गायो वानय्ता कर्मचारीपुं सक्षम जुयमः धायो दिसे ई काथंया प्रविधि शिक्षक व कर्मचारीपिसं सय्कसय्कं वानय्मः धायोदिल ।

वागीश्वरी कलेजया कजि ज्ञान सागर प्रजापति जुं कलेज व्यवस्थापन समितिया सकारात्मक निर्णय कार्यान्वयन याय्गु ज्या कर्मचारीपिनिगु जूगुलिं अपुं क्षमतावान जुयमःगु खाँ ब्याकसें वहे मतिं कलेजं कर्मचारीपिनिगु क्षमता अभिवृद्धिया तालिम ब्यूगु खाँ ब्याक दिल ।

वागीश्वरी कलेज आइ.एम.सि. या कजि सिद्धिवीर कर्माचार्यया सभानायोलय् जूगु उगु ज्या इवःस. वागीश्वरी कलेजया प्राचार्य धन कुमार श्रेष्ठ जुं सुभाय् न्वचु बियो द्यूगु खःसा ज्या इवः तयारी समितिया कजि शिव बहादुर खुलिमुलि जुं लसकुस न्वचु बियो द्यूगु खः ।

वागीश्वरी ल्यूगु क्षमता अभिवृद्धि तालिम ववचाल

वागीश्वरी कलेजया गवसालय जूगु विश्व विद्यालय अनुदान आयोगया गवसालय जूगु कर्मचारी अभिवृद्धि तालिम आइतबार ववचाल ।

उगु ज्याइवः सं मू पाहाँ खवप नगरपालिकाया प्रमुख नपां वागीश्वरी कलेजया व्यवस्थापन समितिया नायो सुनिल प्रजापति जुं नेपःया बांभालापुं सक्षमपुं व क्षमता दःपुं कर्मचारीत ल्यतु ल्ययो विदेशीतयसं न्याय्ता जुइगुलि सकल नेपःमिपुं सजग व सचेत जुयमःगु खाँ ब्याकसे तालिम काय धुंपुं सकल कर्मचारीपिसं समाज देश व थःगु हे थाय् बांलाकय्ता छ्यलय्मः धायोदिल । सरकारी कर्मचारीपुं न्ह्यागुनं तालिमय् वानिगुया मू हुनि भत्ताकाय्ता खः जक धायोदिसे खवप नगरपालिकां बिइगु छुं नं तालिमय् भत्ता मबियागु खाँ काड् दिल । छाय् धःसा भत्ताया लागिं मखु सय्के -सिइके थुइकेता तालिमय् वानय्गु खाँ वयकलं काड् दिल ।

न्ह्यागुनं ज्या याय्ता सक्षम व सिपालु याय्ता तालिमं ग्वाहाली याइगु खाँ ब्याकसे वयकलं कर्मचारीत सचेत जुयता पिनय्या वातावरण नं थुइकः च्वनय् मः धायो दिल ।

वागीश्वरी मा.वि. या प्र.अ. कृष्ण प्रसाद धन्छां थौं या इलय् कर्मचारीपुं पेन्सन पिड् मच्वसे रोजगारीया नितिं थाय् हिलय्गु मति तयो ज्वीगु खाँ ब्याकसे जेट जेनरेशन मान्यताया खाँ ब्याक दिल ।

वागीश्वरी कलेज आर.एम. सीया सल्लाहकार डा. बलराम दुवाल जुं कर्मचारी शिक्षक जू जुं रणनीतिक तह तकख्य् तालिम न्ह्याकय् फःसा वागीश्वरी कलेज छगू (मानक) ब्वसेलागु कलेज काथं हछ्याय्ता ग्वाहाली जुइगु विश्वास प्वंकः दिल ।



कलेजया कजि ज्ञान सागर प्रजापतिजुं तालिम पाखं सयूकगु ज्ञान कर्मचारीपिनिगु लाय (पुँजी) खः धायो दिसे थःगु ज्यासलय् उगू लाय् खःथाय् छ्यलिगु विश्वास प्वंक दिल ।

तालिमय् अधिवक्ता विकल प्रजापति, अडिटर गणेश प्रसाद दुवाल, सार्वजनिक खरिद अनुगमन कार्यालयया निर्देशक सुवास शिवाकोटी, इ एम आइ एस विज्ञ सम्बेदन कोइराला

खुङ्गु स्वप पौ. बःछि पौ(पाक्षिक)

नेपाल प्रशासनिक प्रशिक्षण प्रतिष्ठानया सहायक निर्देशक शिवहरी अधिकारी त्रिभुवन विश्व विद्यालय केन्द्रीय पुस्तकालयया पुस्तकालय प्रमुख विजय शर्मा, त्रिभुवन विश्व विद्यालयया प्राध्यापक कुलप्रसाद सुवेदी जुं पिसं थी थी विषयसं तालिम बियो द्यूगु खः ।

मू पाहाँ नगर प्रमुख प्रजापति जुं तालिमय् बवतिकायो द्यूपुं सकल कर्मचारी पिन्ता दसिपौ लः ल्हाडः द्यूगु खः । तालिमसं स्वनिगया व स्वनिगं पिनय्या थी थी कलेज पाखं मुक्कं स्वी छम्हा कर्मचारीपिसं बवति कायो द्यूगु खः ।

वागीश्वरी कलेज आर.एम. सी या कजि प्रा.डा. सिद्धिवीर कर्माचार्यया सभानायोलय् जूगु उगु ज्या इवःसं वागीश्वरी कलेजया प्राचार्य धनकुमार श्रेष्ठ, ज्या इवःया कजि शिव प्रसाद खुलिमुलि, राजन चौगुठी बवति कायो द्यूपिनि पाखं खवप इञ्जिनियरिड कलेजया सिद्धिराम सुवाल जुं नं थःगु नुगः खाँ तयो द्यूगु खः ।

मैत्रीपूर्ण कबड्डी या धिंधिं बल्ला नपां (लसहना) बधाई ज्ञापन ज्या इवः

खवप नगरपालिकाया प्रमुख सुनिल प्रजापति जु या मू पाहाँलय् खवप नगरपालिका वडा नं. २ या वडा खेलकुद समितिया गवसालय् क्वचःगु २ नं. वडा ब्यागु मैत्रीपूर्ण कबड्डी या धिंधिं बल्ला नपां (लसःहना) बधाई ज्ञापन नपां न्हँ दँ २०७८ या भिन्तुना देछाय्गु ज्या इवः चैत्र २८ गते सहिद स्मृति खेल मैदानय् जुल ।

ज्या इवःसं नगर प्रमुख प्रजापति जुं वडा ब्यागु कासाया धिंधिं बल्लात गवसः गवयो न्ह्याकय् बलय् नगरब्यागु जिल्ला ब्यागु, जु जुं राष्ट्रिय स्तरया कासामिपुं बवलांकय्ता ग्वाहाली जुङ्गु खाँ ब्याकसे कासा सभ्य व अनुशासित जुयो म्हेतय् मः धायोदिल ।

न्हँ दँ २०७८ या भिन्तुना देछायो दिसे वयकलं समाजय् ह्युपा ह्युता अनुशासित कासामिपिनिगु तः हांगु लाहा दैगु खाँ ब्याकसे थःकय् दःगु सीप व दक्षता खःगु थासय् छ्यलय्म धायो दिल । खवपया लोकं हवागु बिस्का जात्रा सभ्य व भब्यकाथं क्वचाय्केता सकल नगरबासी जनतातय्गु साथ व ग्वाहाली दैगु आशायासे वयकलं कोरोना भवल्वचं सुरक्षित जुयो जात्रा डाय्केता नं इनाप याड दिल ।

खवप नगरपालिका वडा नं. २ या वडाध्यक्ष हरिप्रसाद बासुकला जुं खवप नगरपालिका कासायाता नं हदाय् तयो दौय दौय पतिकं कासाया धिंधिं बल्लाया गवसः गवयो वगु खाँ कुल दिसे कासामिपिन्ता नं हानय् ज्या याडः वयो चवंगु खाँ नं ब्याक दिल ।

खवप नगरपालिका वडा नं. १ या वडाध्यक्ष नपां खेलकुद समितिया कजि श्याम कृष्ण खत्री जुं कासाया ज्वलं (सामग्री) लः ल्हाडः दिसे कासामिपिन्ता भिन्तुना नं देछायो दिल ।

ज्या इवःसं न्ह्यायाय्म्हा वडाध्यक्ष रविन्द्र खर्बुजा, अखिल नेपाल कबड्डी संघया महासचिव विनोद प्रजापति, खवप नगरपालिका वडा नं. २ या खेलकुद समितिया गणेशप्रसाद सुवाल जुं नं न्वचु तयो द्यूगु खः ।



उखुनुं जुगु मैत्रीपूर्ण कबड्डीया धिंधिं बल्लासं मिलेनियम फेन्सी न्हाप, युनिक युनिटी- ल्यू व भक्तपुर युथ सर्कल टीम ल्यू यां ल्यू लागु खः । ज्या इवःया मू पाहाँ प्रमुख प्रजापति जुं कबड्डी धिंधिं बल्लाखय् तः ला पिन्ता व निर्णायकपिन्ता टुफी, मेडल व दसि पौ लः ल्हाडः द्यूगु खःसा राष्ट्रब्यागु टेबुल टेनिस (ख्यँबल) धिंधिं बल्ला कासाखय् टीम इभेन्टय् ल्यू लाक वपुं कासामि पिन्ता नं उगु ज्या इवः खय् सिरपा लः ल्हाडः द्यूगु खः ।

खप इञ्जिनियरिड कलेजय् भिन्तुना ज्या इवः

चैत्र ३०

खप नगरपालिकापाखं न्ह्याक च्वंगु खप इञ्जिनियरिड कलेज व खप कलेज अफ इञ्जिनियरिडया ग्वसालय बिस्का जात्रा व न्हँ दँ २०७८ या लसताय् भिन्तुना कालबिल ज्या इवः नपां कलेजया ग्वसालय जूगु उडबल, ब्याटमिन्ट, कसिमला पायँ व थी थी कासाखय् तः लापिन्ता सिरपा लःल्हाय्गु ज्या इवः जुल ।

ज्या इवःसं खप इञ्जिनियरिड कलेज व्यवस्थापन समितिया नायो नपां खप नगरपालिकाया प्रमुख सुनिल प्रजापतिजुं न्हँगु वर्षय् न्हँगु योजना दय्कः न्हँ न्हँगु ज्या याय्गु मतिं हज्याय् फय्मः धाय्गु भिन्तुना देछायो दिल ।

खप नगरपालिकां न्ह्याकः च्वंगु संस्थाया चुनौती व उपलब्धीया खाँ ब्याकसे वयकलं संस्थाया प्रगतिखय् पंगः थानिपुं प्रतिक्रियावादीत नपां सचेत जु जुं पंगः त नपां ल्वा ल्वां हाचां गायो वानय् मः धायोदिल ।

खप नगरपालिकाय् त्याक वापुं जनप्रतिनिधिपुं जनता नपां क्वातुगु स्वापु ततं शिक्षा, स्वास्थ्य, सम्पदा ल्यंकः, म्वाकः तय्गु सुचुकुचु ज्या इवः थजगु जनता नपां तप्यंक स्वापु दैगु आधारभूत आवश्यकता नपां सांस्कृतिक सम्पदात ल्हवनय् कानय् व दानय्गु ज्याखय् बः बियो वयो च्वंगु खाँ ब्याकसे वयकलं मेमेगु स्थानीय तहं खप नगरपालिकां याड वयो च्वंगु ज्या खं सय्क-सिडक मंकः कुतलं ज्या याय्गु इच्छा प्वंकगु खाँ नं ब्याक दिल ।

कानुनया ब्याख्या याय्गु अधिकार सर्वोच्च अदालतकय् दैगु खाँ काडदिसे वयकलं शासक दलतय्गु अदूरदर्शिता व अकर्मन्थतां याडः नेपः या राजनीति भन भन गालय दुडः वाड च्वंगुलि चिन्ता प्वंकः दिल ।

खप इञ्जिनियरिड कलेजया प्राचार्य सुजन माकं कोरोना भ्वल्वय डाडः पुडः वयो च्वंगु इलय् कलेज न्ह्याकय्गु छगू चुनौति खयानं अजगु इलयन् खप इञ्जिनियरिड कलेजं यागु



अनलाइन ब्वंकय्गु ज्या बांलागु काथं ब्वनामिपिसं ब्यूगु प्रतिक्रियां भन अपः उत्साह ताड ब्यूगु खाँ ब्याक दिल । वयकलं थुगुसी खप इञ्जिनियरिड कलेजया स्नातक तगिंखय् थी थी विषयसं देशां देछिया ४४ गू जिल्लां २३४ म्हा ब्वनामिपुं भर्ना (दुतिंगु) जूवगु ल्या पिब्वसे इञ्जिनियरिड शिक्षाखय् खप नगरपालिकां न्ह्याक वयो च्वंगु कलेज देशया दकलय् ब्वसेलागु (उत्कृष्ट) कलेज मध्ये लागु लसताया खाँ खः धायो दिल ।

खप कलेज अफ इञ्जिनियरिडया या प्राचार्य सुनिल दुवालं लकडाउनया इलय् नं शिक्षक व कर्मचारीपिनिगु मंकः कुतलं ज्या सानय्गु भावनां भिंगु बांलागु गुणस्तरीय शिक्षा वियता कलेज तः लागु खाँ ब्याक दिल ।

ज्या इवः सं खप इञ्जिनियरिड कलेजया उप प्राचार्य रविन्द्र फौजु व कर्मचारी सञ्जय मानन्धरं बिस्का जात्रा व न्हँगु वर्ष २०७८ या भिन्तुना देछायो दिल ।

उगु ज्या इवःसं मू पाहाँ नगरप्रमुख सुनिल प्रजापति जुं कासाया धिं धिं बल्लाखय् तः लापुं कासामिपिन्ता मेडल व दसिपौ लः ल्हाड दिल ।

इवाप

खप नगरपालिका पाखं पिथाड च्वंगु खप पौ बः छि पौ खय् बांलागु च्वसु त बियो ग्वाहाली याड दिसँ । उगु रचनाया ल्यः ज्या याड पारिश्रमिक बियगु खाँ खप नगरपालिकाया २०७७ श्रावण २६ गते च्वंगु बैठकं

क्वः छ्यगु खाँ ब्याक च्वडा ।

सम्पादक
खप पौ

ल्यज्यामि (निर्णायक) आर्विटर व रेफ्रीपिन्ता सुभाय् देछाल:

चैत्र ३०

खप नगरपालिकाया ग्वसालय् २०७७ फागुन २९ गते निसें चैत्र ३ गते तक जूगु अन्तरनगर चेसया धिं धिं बल्ला कासा व खप नगर ब्यागु ब्वनय्कुथिया ब्वनामि कासामिपिनिगु दथ्वी जूगु कासाया धिं धिं बल्ला खय् ल्यज्यामि, आर्विटर व रेफ्रीपिन्ता सुभाय् नपां लय्ता पौ ल: ल्हाय्गु ज्याइव: खप नगरपालिकाया सभाकक्षसं जुल ।



ज्या इव:सं खप नगरपालिकाया प्रमुख सुनिल प्रजापति जुं कासा छु नं राष्ट्रया सम्मान व गौरव च्व छायागु विषय जूगुलिं नेप: दे ता हलिमय म्हासिइकय् बिइगु नं कासां हे ख: नपां कासामिपुं देया सम्पति ख: धायो दिल ।

वयकलं नेगू देया स्वापु क्वातुकय्गुलि कासाया त: हांगु लाहा दैगु दसु पिब्वयो दिसे नगरपालिकाया ग्वसालय् जूगु अन्तरनगर चेस व नगर ब्यागु विद्यालय स्तरीय कासाया धिं धिं बल्लाखय् ग्वाहाली यापुं सकल सिता दुनुगलं निसे सुभाय् देछायो दिल ।

वयकलं खप नगरपालिकां कासाया लागाय् म: काथं पूर्वाधार दयकं दयकं थी थी कासाया कासामिपुं व प्रशिक्षकपिन्ता प्रोत्साहित याय्गु मतिं कासामिपिन्ता हानय् ज्या, कासाया धिं धिं बल्ला व प्रशिक्षण स्यनय्गु ज्या मदिकक याड वयो च्वंगु खाँ ब्याक दिल ।

सरकारं कासाता गुलि हृदाय तयो ज्या सानय्म:गु ख: उलि मयागु खाँया कुंखिसे वयकलं कासा ख्यलय् दुनय् जुयो च्वंगु

मिलय् मज्गु बेथितिं कासामि पिनिगु मन क्वतुड वांगु खाँ ब्याकदिल । न्हँगु दे २०७८ सालया भिन्तुना देछासे वयकलं खपया लोकं हवागु बिस्का जात्रा थानाया जनताया भावनातपां स्वापु द:गु जात्रा ख: । बिस्का नखा सभ्य, भब्य, शान्तिपूर्ण व मर्यादित काथं डाय्केगु भी फुक्कसिया कर्तव्य ख: धायोदिल ।

खप नगरपालिकाया उप-प्रमुख रजनी जोशी जुं खप नगरपालिकां थवनं लिपाया दिनय् नं कासाया धिं धिं बल्ला बांलाक याड वानय्गु खाँ ब्याकसे खप देता सभ्य व सांस्कृतिक नगरी काथं म्हासिइकेता थाना डाय्किगु जात्रा, नखा, चखा नं शान्तिपूर्ण व मर्यादित जुय म: गुलि ब: बियो दिल ।

ज्या इव:सं खपय् नगरपालिका वडा नं. १ या वडाध्यक्ष नपां युवा तथा खेलकुद समितिया कजि श्याम कृष्ण खत्री जुं खप नगरपालिकाया ग्वसालय् जूगु कासाया धिं धिं बल्ला बांलाक: धिसिलाक क्वच:गुलिं थुकि ग्वाहाली याड द्युपुं सकलसिता सुभाय् देछासे कासाया लिधंसाय् सभ्य व अनुशासित नागरिकपुं ब्वलांकेता ग्वाहाली जुइगु खाँ ब्याक दिल ।

अथेहे नेपाल भक्तपुर जिल्ला भलिबल संघया नायो बिनोद चरण राय जुं ब्वनामिपिन्ता आख: ब्वंकय्गु नपां छगू नं छगू कासाखय् ब्वतिकाय्केगु बांला जुइ धायो दिलसा भक्तपुर जिल्ला बुद्धिचाल संघया नायो निरञ्जन प्रजापति जुं खप नगरपालिकाया ग्वसालय् जूगु चेसया धिं धिं बल्लाखय् नेप:या च्याम्पियन चेस कासामिपिसं मन ह्वय्क लय्तायो ब्वतिक:गु खाँ प्वंक दिल ।

खप नगरपालिका वडा नं. ७ या वडाध्यक्ष उकेश कवां जुं सुभाय् दे छ:गु उगु ज्या इव:सं ज्या इव: न्ह्याकय्गु ज्या वडा नं. २ या वडाध्यक्ष हरिप्रसाद बासुकला जुं याड द्युगु ख: ।

वहे इवलय् नगर प्रमुख प्रजापति जुं २०७७ फागुन २९ गते निसे चैत्र ३ गते तक जूगु अन्तर नगर चेसया धिं धिं बल्ला कासा व खप नगर ब्यागु ब्वनय्कुथि स्तरीय कासाया धिं धिं बल्लाया ल्यज्यामि आर्विटर रेफ्री ग्वाहालिमि व खप नगरपालिकाया ग्वसालय् पुस १० गते निसे न्ह्याकगु छिपुड कासाया प्रशिक्षकपिन्ता नं दसिपौ ल:ल्हाड दिल ।

खप नगरपालिकाय् न्हँ दँया भिन्तुना ज्या इवः

चैत्र ३१

खप नगरपालिकाया प्रमुख सुनिल प्रजापतिज्या मू पाहाँलय् नेपाल नगरपालिका कर्मचारी एशोसियसन, खप नगरपालिका समिति खपया ग्वसालय् न्हँगु दँ २०७८ या लसताय् भिन्तुना देछाय्गु ज्या सोमबार क्वचाल । ज्या इवःसं नगर प्रमुख प्रजापति जुं खप नगरपालिकां तः गु लागाय् न्हँगु ढङ्गं ज्या न्ह्याकगु खाँ ब्याकसे थानाया शिक्षा, स्वास्थ्य, सम्पदा ल्हवनय्-कानय् व सुचुकुचु खय् जुयो च्वंगु ज्या देशय् ब्वसेलागु ज्या जुयो च्वंगु खाँ ब्याक दिल ।

कोरोना महामारीयाडः नेपःया पर्यटन लागाय् अरबौया नोक्सान जूगु खपपदे नं उकिं तामपागुलिं संकटं नागरिकपिन्के संघर्षया भावना भन क्वातुयो बल्लाक संघर्ष याइगु खाँ ब्याक दिल ।

न्हँ दँ क्यसेलिं कर्मचारी पिन्के न्हँगु संघर्षया भावनां ज्या याय्गु प्रेरणा ब्वलानिगु आशा प्वकसे वयकलं फुककसिया मंकः कुतलं खप नगरपालिकां च्वछाय् बहगु ज्या याय् फःगु खः धायो दिल ।

समाजवादी देशय् मिसात गथे हचिल ज्या साने धाय्गु खाँ खं भीसं सय्के थुङ्के म धायो दिसे समाजय् ह्युपा ह्युता मिसा मस्तयता वियागु शिक्षा तस्कं महत्वपूर्ण जुइगु खाँ ब्याक दिल ।

ग्वसाखलया नायो गौतम प्रसाद लासिवा जुं न्हँ दँ या भिन्तुना दे छः से कोभिड महामारीया इलय् खप नगरपालिकाया कर्मचारीपिसं खप नगरबासीपिनिगु सेवासं समर्पित जुयो ज्या साडः द्युगु खाँ ब्याकसे बिस्का जात्रा बांलाक हानयता इनाप याडः दिल । वयकलं कर्मचारीपिनिगु हक, हित, सुरक्षा, वृतिविकास व स्तरोन्नतिया



लागिं समितिं मदिकक हज्याडः ज्या साडः च्वंगु खाँ ब्याक दिल ।

खप नगरपालिकाया प्रशासकीय अधिकृत दामोदर सुवाल जुं कर्मचारी पिनिगु व्यक्तिगत आचरण, स्वभाव व व्यवहार नगरपालिकाया पहिचान नपां स्वापु दैगु खाँ ब्याकसे कर्मचारीपिन्के नागरिक भावना व संस्थागत जिम्मेवारी ब्वलांक ज्यासानय्मः धायोदिल ।

ज्या इवःसं खप नगरपालिकाया कर्मचारी विद्यालक्ष्मी प्रजापति जुं लसकुस न्वचु तयो द्युगु खःसा कर्मचारी विकास प्रजापति नं न्वचु तयो द्युगु खः ।

वहे इवल्य नगरप्रमुख प्रजापति जुं नेपाल नगरपालिका कर्मचारी एशोसियसन भक्तपुर नगरपालिका समिति भक्तपुर पाखं पिथांगु २०७८ सालया भिते पात्रो (सार्वजनिकीकरण) पिता ब्वय्गु ज्या याडः दिल ।

ने.क्रा. महिला संघया भिन्तुना ज्या इवः



२०७८ बैशाख २

खप नगरपालिका प्रमुख सुनिल प्रजापतिया मू पाहाँलय् खप ब्यासी २ नं वडाया नेपाल क्रान्तिकारी महिला संघया ग्वसालय् न्हँदँ २०७८ या लसताय् भिन्तुना ज्या इवः जुल ।

ज्या इवःसं नगर प्रमुख प्रजापति जुं समाज विकास याय्ता ल्यासे-ल्याम्होपिसं अध्ययन मदिकक याडः तं च्वनय्मगु नपां अमिता समाजया विकृति व विसंगति इलय् हे थुङ्कः काडः सचेत याडः तय्मःगु सल्लाह बियो दिल ।

वयकलं खप नगरपालिकां नगरबासी पिन्ता नैतिक शिक्षा नपां लाहातय् ज्या दैगु सीप द्युक वियगु मतिं थी थी ज्या इवः व तालिमत न्ह्याकः वयो च्वंगु खाँ ब्याकसे समाजवादी देश क्युवाय

खुङ्गु स्वप पौ. बःखि पौ(पाक्षिक)

फूक्क धाय्थें लागाय् मिसामस्त हःनय् लाड च्वंगु नरम (नाइक खाँ ल्हाइगु) सरल, विचःलय् प्रतिवद्ध राजनैतिक कार्यकर्तातय्सं याड दे हज्याक यंकय् फःगु खाँ ब्याक दिल ।

ज्या मः वानय्गु धेबा कमेयाय्गु लोभय् विदेशय् वापुं ल्यासे ल्याम्होपुं अपसिनं दुःख कष्ट फयमःगु व आना समस्या नपां ल्वाय मःगु खाँ ब्याकसे वयकलं शिक्षित मनू तय्के दःगु घमण्ड व जि हे धाय्गु अहमं याड परिवारय् ल्वापु जुङ्गु खाँ नं ब्याक दिल ।

ख्वप नगरपालिकां ख्वपया शिक्षा, स्वास्थ्य, सुचुकुचु व कला-संस्कृति म्वाकः तय्गुलि ह्यूपा ह्युता मदिक्क ज्या साड वयो च्वंगु खाँ ब्याकसे वयकलं ख्वप नगरपालिकाया कुतलं हे थाना सांस्कृतिक पुचः नं अप्व जः दयो वगु खाँ नं काड दिल ।

नेपाल मजदुर किसान पार्टीया नगर समितिया नायो

नारायण बहादुर दुवाल जुं ज्या साड नैपुं ज्यापु-ज्यामिया मिसामस्त ब्वडः, सय्क हज्यासाजक समाज नं अथे हे हज्याङ्गु नपां मिसा त नं राजनैतिक रुपं सचेत जुयो छपा छधि जुयो हज्याय्मः धायोदिल ।

नेपाल कर्मचारी समाजया केन्द्रीय नायो गौतम प्रसाद लासिव जुं देया मू मू पदय् मिसामस्त हः ज्याय् फःगु दे व समाज विकास याय्ता सकारात्मक खाँ जूगु नपां समाजय् मिसामिजंता मपाकः स्वयो हःगु लसताया खाँ खः धायोदिल ।

ज्या इवःसं ख्वप नगरपालिका वडा नं. २ या वडाध्यक्ष हरि प्रसाद बासुकला जु, नेमकिपा चिच्याहां ब्यासी वडा नं. २ समितिया नायो रत्न काजी नायभारी, नेक्रा महिला संघ भक्तपुर नगरपालिका वडा नं. २ ब्यासीया नकीं बद्रीलक्ष्मी कोजु व आयशा नायभारी नं थःगु नुगः खाँ प्वंकगु खः ।

खेलकुद मन्त्री दावा तामाड ख्वप नगरपालिकाय्

बैशाख ४

ख्वप नगरपालिकाया प्रमुख सुनिल प्रजापति व नेपाल सरकार युवा तथा खेलकुद मन्त्रालयया माननीय मन्त्री दावा तामाड जु नपां शानिबार नगरपालिकाया सभाकक्ष नपालाड दिल ।



नगर प्रमुख प्रजापति जुं मन्त्री तामाडता ख्वपया मौलिक तक्वातपुली पुइकः लसकुस याड दिल । नपालाय्गु इवल्य वयकपनिगु दश्वी नेपः देशय् कासाया लागाय् विकास, सम्भाव्यता चुनौती व ख्वपया माहेश्वरी व सहिद स्मृति कासा ख्यः ता बांलाक भिंक स्तरोन्नति याय्गु विषय छलफल जुल ।

नपालाय्गु इवल्य प्रमुख प्रजापतिजुं ख्वपया ऐतिहासिक व सांस्कृतिक विशेषताया खाँ ब्याकसे ख्वप नगरपालिकाता कासा ख्यलय् हज्याय्ता नगरपालिकां मदिक्क ज्या साड वयो च्वंगु नगरपालिकां थमनं हे थी थी कासाया प्रशिक्षण दायें दायें सं अन्तरनगर व विद्यालय स्तरीय धिंधिं बल्ला कासा, थी थी कासात न्ह्याकः कासामिपिन्ता मन क्वसाय्क उत्साहित याय्गु

ज्या याड वयागु खाँ नं ब्याक दिल । नपां वयकलं मन्त्रीजुपुं स्थानीय तहखय् थयंक भायो, स्वयो, थुइकः आनायाता मःगु छु खः ? उकिता प्राथमिकता बियो बजेट छखेलिइकः विनियोजन याः सा बांलाङ्गु खाँ नं कुल दिल । ख्वपय् कासा ख्यः या मःकाथं बांलागु ब्यवस्था याय् मफूगुलिं कासाख्यलय् मनय् तयाथें कासाता च्व न्ह्याकय् मफूगु खाँ काड दिसे वयकलं ख्वपय् दःगु माहेश्वरी कासा ख्यः व सहिद स्मृति कासा ख्यः या जग्गा स्वामित्वया कारणं हज्याय्ता पंगः जुयो च्वंगु खाँ ब्याकसे वयकलं कासाख्यः या ब्यवस्था नपां ख्वप दे या कासाया विकास स्वतः स्फूर्त काथं जुङ्गु आशा प्वंकः दिसे ख्वप नगरपालिकां ब्यवस्थित व योजनावद्ध ढंगं कासाया ज्याइवः त हज्याड यंकः च्वडागु खाँ नं ब्याक दिल ।

नपालाय्गु इवल्य मन्त्री तामाड जुं सांस्कृतिक नगर ख्वपया भ्रमण याय् दःगुलि लसता प्वंकसे ख्वपय् कासा ख्यलय् विकासयाय्ता मंकः कुतः याय्ता मन्त्रालय सकारात्मक दःगु खाँ काड दिल । ख्वपया कासा ख्यः या जग्गाया स्वामित्वया बारे मः काथंया समन्वय याय् मःगु खाँ ब्याकसे वयकलं कासाया विकास या निम्ति पुर्वाधार दय्केता मःगु ग्वाहाली याय्गु बचं बियो दिल ।

नेपः देशय् समग्र कासाया विकासया सम्भावनाया खाँ ब्याकसे वयकलं ख्वप नगरपालिकां शिक्षा, स्वास्थ्य, विकासनिर्माण नपां यागु रुपान्तरणय् नेमकिपाया तःहांगु लाहा दःगु नपां नेमकिपा बिचःव सिद्धान्तखय् प्रतिवद्ध पार्टी खः धायो दिल ।

नपालाय्गु इवल्य नगर प्रमुख प्रजापति जुं मन्त्री तामाडता ख्वपया लोकं हवागु 'म्हवयखा इयो' व ख्वप नगरपालिकाया पिथनात मतिनाया चिं काथं लः ल्हाडः बियोदय्गु खः ।

विश्व सम्पदा दिवसया प्रवचन

बैशाख ५

हलिमय दायँ दायँ पतिकं अप्रिल महिनाया १८ तारिखया दिनसं 'विश्व सम्पदा दिवस' मानय् याड वयो च्वंगु दः । थव हे लसताय खवप नगरपालिकापाखं न्ह्याक च्वंगु खवप इञ्जिनियरिड कलेजया ग्वसालय विश्व सम्पदा दिवसया लसताय आइतबार कलेजया सभाहलय शिक्षक व विद्यार्थीत मुडः प्रवचन ज्या इवः जुल ।

ज्या इवःसं कलेज सञ्चालक समितिया नायो नपां खवप नगरपालिकाया प्रमुख सुनिल प्रजापति जुं विश्व सम्पदा दिवसया लसताय सम्पदा ल्यंकः म्वाकः तय्गु खाँ खय् जक मखु ज्याखं क्यनय् मः धायोदिसे संरक्षणया भावना, कानुन निर्माण व प्रभावकारी कार्यान्वयन याड जक धात्थेखगु लक्ष्य काय् फै गु खाँ नं ब्याक दिल ।



खवप नगरपालिकां २०७२ सालया तः भवखाचां थुडः स्यंक ब्यूगु खवपया लोकं हवागु महत्वपूर्ण सम्पदात ल्हवनय् कानय् व दानय्गु ज्या हछ्याड खवप नगर दुनयया १०८ गू स्वयो अपः सम्पदात ल्हवनय् कानय् व दानय् धुंगु खाँ वयकलं ब्याक दिल ।

वयकलं देया मौलिक सम्पदात भीगु अमूल्य सम्पति जूगुलिं थुकिता ल्यंकः म्वाकः तय्ता भी थः हे हज्याड ज्या साडागु खाँ ब्याकसे खवप नगरपालिकां थानाया ऐतिहासिक

प्याखं, सम्पदा वस्तुत ल्यंकः म्वाक तय्गु कुतः याड चवडागु खाँ ब्याकसे खवप नगरपालिकां देया छुं नं थासय् पुलांगु व ऐतिहासिक सम्पदा ल्हवनय्-कानय् याय्ता मःपुं दक्ष जनशक्ति छ्वय्गु क्षमता विकास यागु खाँ ब्याक दिल ।

खवप नगरपालिकाया उप प्रमुख रजनी जोशीं खवपया सम्पदा संरक्षण याय्ता व खवप दे ता ज्ञान विज्ञानया केन्द्र दय्केता खवप नगरपालिकां कलेजत निस्वांगु खाँ ब्याकसे देया सांस्कृतिक व ऐतिहासिक महत्व कः घाड च्वंगु थाय्या थप अध्ययन व अनुसन्धान याय् मःगु खाँया सल्लाह ब्यूसे सम्पदा ल्यंकः, म्वाक तय्ता स्थानीय मनु तय्ता खाँ थुडके बियो सचेत याड छप्पाछधि याय्मः धायोदिल ।

खवप इञ्जिनियरिड कलेजया प्राचार्य सुजन माकजुं खवप

इञ्जिनियरिड कलेजं थाना ब्वंपुं ब्वनामिपिन्ता सम्पदा ल्यंकः म्वाक तय्ता वैज्ञानिक ढङ्गं शिक्षा बियागुलिं न्हँगु पुस्ताया ब्वनामिपिन्के सम्पदा थःगु हे खः धाय्गु भावना ब्वलांगु खाँ काड दिल ।

खवप कलेज अपन इञ्जिनियरिडया प्राचार्य दुवालं स्वनिगःया पुलांगु सम्पदा बस्तीया विकासया नामय् विनाश ह्यो च्वंगुलि चिन्ता प्वकसे खवप नगरपालिकां सम्पदा ल्यंकः म्वाकः तय्ता वैज्ञानिक ढङ्गं हज्याड च्वंगुया कारणं

थानाया सांस्कृतिक व ऐतिहासिक महत्व कः घाड च्वंगु सम्पदात धस्वाड च्वंगु खः धायोदिल ।

ज्या इवःसं कलेजया पदम् सुन्दर महर्जन, प्रमिला शिल्पकार, इरा श्रेष्ठ, रविता शिल्पकार व आर्किटेक्चर ब्वनामिपिनि पाखं सोना तजले थी थी विषयसं प्रस्तुतीकरण याड क्यंगु खः ।

नगर प्रमुख प्रजापति जुं प्रस्तुतकर्ता पिन्ता कलेज पाखं लसता पौ लःल्हाड दिलसा व ज्या इवःसं लिबास फैजुं नं न्वचु तयो द्यूगु खः ।

ख्वप नगर प्रमुख यल महानगरपालिकाय्



संग्रहालय स्वय धुक: ज्यापु समाजया प्रतिनिधिपुं नपा लाय्गु इवल्य नगर प्रमुख प्रजापति जुं नेव:समुदायया जीवन्त संग्रहालय स्वय्गु अवसर द:गुलि लसता प्वंकसे ख्वप नगरपालिकां नं ख्वपया मौलिकता पिज्वइगु संग्रहालय दय्केगु मतिं ज्या हज्याक च्वडागु खाँ ब्याकसे नेगू नगरपालिकाया दश्वी जूगु अध्ययन भ्रमण व अनुभव कानय्गु ज्याखं अभ्र बांलाक हज्याय फैगु लि विश्वास प्वंक: दिल । वयकलं नगरबासी जनताता गुलि फ:उलि अप: सेवा वियगु मतिं ख्वप नगरपालिका हज्याड ज्या साड च्वगु खाँ नं ब्याक दिल ।

ख्वप व यल देशं कला संस्कृति म्वाक:

बैशाख ८

ख्वप नगरपालिका प्रमुख सुनिल प्रजापति मंगलबार यल महानगरपालिका सांस्कृतिक सम्पदात, ज्यापु प्रजा भवन अथे धाय्गु यल दरबार (संसा भवन) व यल लाय्कुलि च्वंगु भिंछोया देग: व संग्रहालय भायो अवलोकन याडदिल । ख्वप व यलया दश्वी थ: थ: गु अनुभव कानय्गु -न्यनय्गु इवल्य यल महानगरपालिकाय् भ्र:गुख: । नगरप्रमुख सुनिल प्रजापतिया न्हयलुवाय् उप-प्रमुख रजनी जोशी, वडाध्यक्ष व कार्यपालिकाया दुज: पुं नपां जनप्रतिनिधिपिन्ता यल महानगरपालिकाया प्रमुख चिरिबाबु महर्जन जुं खादा क्वखाय्क लसकुस याड दिल ।

उगु पुचं: यल महानगरपालिका वडा नं. ९ शंखमूल ताँ लिक्क गछुँ त्वाल्य च्वंगु परम्परागत मौलिक कला-संस्कृति व सम्पदा ल्यंक: तय्गु मतिं चाय्कगु ज्यापु प्रजा भवन व आना हे च्वंगु मानव सभ्यता पिज्वइगु संग्रहालय नं स्वयो दिल । उगु संग्रहालयसं ज्यापु जातिया भेष भुषा (पुनिगु वस) तिइगु तिसा (गर गहना) बाजागाजा, जीवनशैली नपां छुँ ज्याय्सं छ्यलिगु ज्याभ: थालाबाला, बस्चा ज्वलंया सामग्रीत ब्वयो त:गु ख: ।

तय्गु इवल्य यागु तस्कं महत्वपूर्ण विषय काथं पिज्वइगु जुयो च्वंगु द: धायो दिसे प्रमुख प्रजापति जुं ख्वप नगरपालिकां थाकालिपुं जेष्ठ नागरिकपिन्ता आदर निकेतन दय्केगु कुत: याड च्वंगु खाँ ब्याक दिल । नेमकिपाया सिद्धान्त नीति व अडानं याड ख्वपं शिक्षा, स्वास्थ्य, सम्पदा म्वाक: तय्गुलि बांलाक ज्या याड केनय फ:गु खाँ ब्याकसे अ: बुलुहुँ अजगु वस्तुत लोप जुयो वांगु इलय् भीगु थ:गु मौलिक सामग्रीत मुड संग्रहालय न्ह्याकगु तस्कं च्वछाय बहगु खाँ ख: धायोदिल ।



खुडगूगु खप पौ. बःछि पौ(पाक्षिक)

वहे इवल्य यल महानगरपालिकाया प्रमुख महर्जन जुं खप नगरपालिकाया जनप्रतिनिधि पुचः ता लसकुस याय दःगु गौरबया विषय जूगु खाँ ब्याकसे संग्रहालय चाय कागुलिं संस्कृति प्रेमी, भ्नीगु देश व विदेशया पर्यटक पिनिगु लागिं तस्कं यायपुगु व स्वय हाँय पुगु थाय नपां छु खः दक चासोया खाँ जुजुं वयो च्वंगु खाँ नं काड दिल । वयकलं खप नगरपालिकां शिक्षा, स्वास्थ्य, सम्पदा म्वाकः तयगु सुचुकुचु, विकास निर्माण नपां मेमेगु अपलं लागाय ब्वसेलागु ज्या याड वयो च्वंगु लिं थः तस्कं प्रभावित जुयागु खाँ नं ब्याक दिल ।

नपालायगु इवल्य ज्यापु समाजया नायो चन्द्र महर्जन जुं ज्यापु प्रजा भवन व आना निस्वांगु संग्रहालयया उद्देश्यया खाँ काड दिसे खप नगरपालिकाया जनप्रतिनिधि पुचलं थाना थ्यंक भ्नायो स्वयो द्यगुलि मन कुछि थाहाँ वगु व हौसला बढे जूगु खाँ काड

दिल ।

उगु ज्याइवःसं यल महानगरपालिकाया प्रमुख महर्जन जुं खप नगरपालिकाया जनप्रतिनिधि पुचःता सत्यमोहन जोशी जुं चवयो द्यगु महानगरपाखं पिथांगु साफूत व सत्यमोहन जोशीया क्पिा कियो तःगु धेबा लः ल्हाड ब्यगु खः । नपां नगर प्रमुख प्रजापति जुं ज्यापु समाजया नायो चन्द्र महर्जन जुयाता खप नगरपालिकाया पिथनात उपहार काथं लः ल्हाडः बिलसा नायो चन्द्र महर्जन जु नं प्रमुख प्रजापति व उप-प्रमुख जोशी जुयाता मतिनाया चिं लः ल्हाड दिल ।

भ्रमण पुचल्य खप नगरपालिका वडाध्यक्षपुं हरिप्रसाद बासुकला (२), उकेश कवां (७), प्रेमगोपाल कर्माचार्य (५) व कार्यापालिकाया दुज पुं छोरी मैया सुजखु व सरिना द्योला नं भःगु खः ।

मेलम्चीया नाः लच्छीया दुनय् खपय्

बैशाख ९

मेलम्चीया त्वनय्गु नाः लच्छीया दुनय् खपय् छवयो हैगु जुयो च्वंगु दः । खप नगरपालिकाया प्रमुख सुनिलप्रजापतिया न्हयलुवाय भक्तपुर नगरपालिका खानेपानी समितिया प्रतिनिधिमण्डल या पुचः विह्रिबार काठमाण्डौ उपत्यका खानेपानी लिमिटेड (केयू के एल) या प्रमुख मिलन कुमार शाक्य जु नपा लाड जूगु छलफलं खपय् मेलम्चीया नाः लच्छीया दुनय् छवयो ह्यगु अः याता बोडेया खानेपानी ट्यांकी पाखं इड बियगु खाँ क्वः छ्यगु खः ।

वहे इवल्य नगर प्रमुख प्रजापति जुं काठमाण्डौ उपत्यका खानेपानी व्यवस्थापन बोर्डया बैठकं मेलम्चीया नाः न्हां खपय् छवयो ह्यगु सहमति जूगु खाँ कुलदिसे खपय् त्वनय्गु नाः तस्कं हाहाकार जुयो च्वंगु इलय् खपया स्थानीय जनतां मथां मेलम्चीया नाः त्वनय् देगु आशा याडः च्वंगु खाँ काड दिल ।

खपया त्वनय्गु नाः या समस्या ज्यंकय्ता खप नगरपालिकां फुकक वडाय् ट्यांकर पाखं त्वनय्गु नाः इड बियो वयो च्वंगु खाँ काड दिसे वयकलं गुलिफता उलि मथां मेलम्चीया नाः खपय् छवयो ह्यता अनुरोध याड दिल ।

केयूकेएल या प्रमुख मिलन कुमार शाक्य जुं खपय् मेलम्चीया नाः इड बियता कटुञ्जेया ट्याडकी तक पाइप स्वाय धुंगु खाँ ब्याकसे लच्छीया दुनय् मेलम्चीया नाः खपय् छवयो ह्यगु बचं बियो दिल ।

वयकलं मध्यपुर थिमि नगरपालिकाय् मेलम्चीया नाः



स्थानीयता इड बिय धुंसां खपया सन्दर्भय् छुं ई पिय मालिगु केयूकेएलं नाःया तस्क. समस्या जू थाय निं न्हालाक नाः बियगुलि बः याड च्वंगु खाँ काड दिल ।

छलफलसं खप नगरपालिका खानेपानी समितिया दुजः पुं उकेश कवां, श्याम कृष्ण खत्री व महेन्द्र खायमली नं भःगु खः ।

वहे भ्वल्य बैशाख १३ गते खप नगरपालिकाय् भ्नायो नगर प्रमुखय् नायोलय च्वंगु बैठकं नाः बियगु सहमती यागु खः । उगु बैठकय् काठमाडौं उपत्यका खानेपानी व्यवस्थापन बोर्ड प्रमुख कार्यकारी निर्देशक डा. ई. श्री सञ्जीवबिक्रम राणा, काठमाडौं उपत्यका खानेपानी लिमिटेड (केयूकेएल) या कार्यकारी अधिकृत मिलनकुमार शाक्य, आयोजना कार्यान्वयन परियोजना (पीआईडी) या प्रोजेक्ट इन्जिनियर लोकेन्द्र यादव, आयोजना निर्देशक कमलराज श्रेष्ठ, केयूकेएल भक्तपुर शाखा प्रमुख सुरेन्द्र हिमालय पुं भ्नायो लिखित सहमति यागु खः ।

तानसेन नगरपालिकाया प्रतिनिधि पुचः ख्वपय्

बैशाख २

ख्वप नगरपालिकाया प्रमुख सुनिल प्रजापति नपां तानसेन नगरपालिका वडा नं. १० या वडाध्यक्ष लोचन प्रसाद तिमिल्सिना नपांया प्रतिनिधिमण्डलया पुचः विहिबार नपालाड दिल । नगर प्रमुख प्रजापति जुं तानसेनया प्रतिनिधि मण्डलया पुचःता खाडा व ख्वपया तक्वातपुली पुइकः लसकुस याड दिल ।



नपाचलायगु इवल्य वयकपिनी दश्वी ख्वपया शिक्षा, स्वास्थ्य, विकास निर्माण व ख्वप नगरपालिकापाखं दय्कगु स्थानीय पाठ्यक्रमया विषय छलफल याड दिल ।

नगर प्रमुख प्रजापति जुं ख्वपया इतिहास, भूगोल,

जातजाति, संस्कृति, कला सम्पदा, सीप, स्थानीय कासा, पर्यटन नपां थी थी विषयसं केन्द्रीत जुयो शिक्षक व विद्यार्थीपिन्ता तस्कं ज्या लगे जूगु स्थानीय पाठ्यक्रम सन्दर्भ सामग्री व ख्वपको पहिचान पिथांगु खाँ ब्याक दिल ।

ख्वपता ज्ञान-विज्ञानया केन्द्र दय्केगु मतिं नगरपालिकां शैक्षिक क्षेत्रया ज्या इवः न्ह्याक वयो च्वंगु खाँ ब्याकसे वयकलं ख्वपया ढवनय् कुथि पाठ्यक्रमया लिधंसाय् ढवंकय्गु न्हूगु अभ्यास न्ह्याकागु खाँ नं ब्याक दिल ।

तानसेन नगरपालिका वडा नं. १० या वडाध्यक्ष लोचन प्रसाद तिमिल्सिना जुं ख्वप नगरपालिकां शिक्षाया लागाय् याड च्वंगु ज्या तस्कं च्वछाय्ब्रह जूगु खाँ धायोदिसे तानसेन नगरपालिकाय् स्थानीय पाठ्यक्रम दय्केगु इवल्य् कार्यदलनपां ख्वप नगरपालिकाया अध्ययन भ्रमणय् वयागु खाँ ब्याक दिल ।

तानसेन नगरपालिकाया प्रतिनिधिण्डल्य् तानसेन नगरपालिकाया कार्यकारी प्रमुख पिताम्बर पाण्डे, शिक्षा शाखा प्रमुख रेशमलाल न्यौपाने

शिक्षा शाखाया दुजः पुं कृष्ण थापा, भेष राज सुवेदी, तीर्थ प्रसाद गौतमपुं नं भःगु खः । वहे इवल्य् नगर प्रमुख प्रजापति जुं उगु पुचः ता नगरपालिकाया पिथाना व भित्तेपात्रो उपहार काथं लः ल्हाड बियो दिल ।

कीर्तिपुर सांस्कृतिक प्रतिनिधिमण्डलया पुचः ख्वप नगरपालिकाय्

बैशाख १०

ख्वप नगरपालिकाया प्रमुख सुनिल प्रजापति जुं भक्तपुर नगरपालिकाया सांस्कृतिक सम्पदातय्गु आना हे वाडः स्वय्गु मतिं ख्वपय् भःपुं कीर्तिपुर नगरपालिकाया सांस्कृतिक प्रतिनिधिमण्डलया पुचःता ख्वप नगरपालिकायाय् लसकुस याड दिल । वहे इवल्य् नगर प्रमुख प्रजापति जुं ख्वपया कला-संस्कृति, सांस्कृतिक व ऐतिहासिक महत्वया सम्पदात ल्यंकः म्वाकः ल्हवनय् कानय् याड च्वंगु व विकास निर्माणया ज्या इवः त काड दिल ।



नगर प्रमुख प्रजापति व राष्ट्रिय खेलकुद परिषदया सदस्य सचिव सिलवाल नेपालात

बैशाख १२

खप नगरपालिकाया प्रमुख सुनिल प्रजापति व राष्ट्रिय खेलकुद परिषदया सदस्य सचिव रमेश कुमार सिलवाल नेपालात खपया कासाया विकास व कासाख्यः या (स्तरोन्नति) बांलाक दय्केगु विषय आइतबार यँ परिषदया कार्यालय सल्लाह जुल ।



आइतबार नेपालायुगु इवलय् प्रमुख प्रजापति जुं खप देश्य कासाया विकास व कासामि पिन्ता हनाबना याय्या लागिं मदिक थी थी कासाया प्रशिक्षण न्ह्याकः वयो च्वंगु नपां थी थी कासाया तः लापुं कासामिपिन्ता व प्रशिक्षक पिन्ता लय्तायक प्रोत्साहित याय्यु मतिं कासामिपिनिगु हानेज्या याडः वयागु खाँ ब्याक दिल । खप नगरपालिकां नगरया थी थी वडाय् ब्यायामशाला

दय्कः वियागु नपां खप नगरपालिकापाखं न्ह्याक वयो च्वंगु कलेजया शैक्षिक विशेषताबारे नं खाँ ब्याक दिल । कासाया पूर्वाधार विकासया लागिं प्राविधिक समस्या जुयो च्वंगुलिं उकिता खेलकुद परिषदं ज्यंकः बिय्मः धायो दिल ।

खपया कासाख्यः बांलाक स्तरीय दय्के फःसा थानाया कासामिपिन्ता सय्केता अः पुङ्गु गुकिं देशया लागिं मः पुं दक्ष कासामिपुं ब्वलांकय्ता ग्वाहाली जुङ्गु खाँ ब्याकसे वयकलं नगरपालिकां मिसा मस्तय्ता सुरक्षा याय् फय्के ता आत्मरक्षा तालिम व फुक्क वडाय् छिपोड शारीरिक कासाया अभ्यासया प्रशिक्षण बियो वयागु खाँ नं ब्याक दिल ।

सदस्य सचिव सिलवाल जुं कासाता हछ्याड यंकय्गुलि खप नगरपालिकाया कुतः व न्ह्याक च्वंगु पला तस्कं च्वछाय् बहः जूगु वा बांलागु खाँ खः धायोदिसे फुक्क जिल्लाय् कासाया पूर्वाधार दय्केगुलि परिषदं मः काथं ज्या याड च्वंगु खाँ काड दिल ।

खपय् कासाया सम्भाव्यताबारे थःगु बिचः प्वंकः दिसे वयकलं कासाख्यः व कासा म्हितय्गु स्यनिगु प्रशिक्षण केन्द्र (कभर्डहल) स्टेडियम दय्केगु थजगु ज्या इवःसं कासामिपिनिगु मन ह्वङ्गु खाँ काड दिल ।

उगु नेपालायुगु इवलय् खप नगरपालिका खेलकु समितिया कजि श्याम कृष्ण खत्री, दुजपुं नेम्हा उकेश कवां व हरिप्रसाद बासुकला व जिल्ला फुटबल संघ खपया नायो गौतम सुजखुंनुं भायो द्युगु खः ।

बेखालय् टेबुल टेनिसया भवन निस्वान

१२ बैशाख

खप नगरपालिका वडा नं. १० या वडाध्यक्ष लक्ष्मी प्रसाद ह्योमिखा जुं ख्यँ बल म्हेतकय्ता दय्कगु बेखालय कभर्ड हल निस्वाड दिल ।

उगु ज्या इवःसं वडाध्यक्ष लक्ष्मी प्रसाद ह्योमिखा जुं नेपाल मजदुर किसान पार्टी चुनावया इलय् सार्वजनिक यागु घोषणापत्र काथं हे कासाया कभर्ड हल दय्के ताडागु खाँ ब्याकसे जनताया शिक्षा व स्वास्थ्यता बिचः याड बेखालय जन स्वास्थ्य

भवन दय्केगु कुतः जुयो च्वंगु खाँ ब्याक दिल । वयकलं खपय् त्वनय्गु नाः या समस्या ज्यकेता केय्केएलता धायो वयो च्वंगु नपां भक्तपुर अस्पतालता व्यवस्थित याय्ता खप नगरपालिकां बः याड वयो च्वंगु खाँ नं ब्याक दिल ।

अनुगमन समितिया दुजः नपां खप इञ्जिनियरिड कलेजया प्राचार्य सुनिल दुवालं कभर्ड हल दुनय् भातिचा थाय् तः क्वय्केता प्याराफिटता व्यवस्थित व न्हूगु प्रविधि छ्यलागु खाँ काड दिल ।



ख्वप जिल्ला टेबुलटेनिस संघया नायो प्रेमकृष्ण खर्बुजां ख्वप नगरपालिका पाखं बियो वयो च्वंगु प्रशिक्षणं ख्वपया टेबुल टेनिसया कासामिपुं लयतायो उत्साहित जूगु खाँ काड दिल् ।

तःभ्वखाचां थुगु सम्पदा ल्हवनयगुलि

१२ बैशाख

साँस्कृतिक नगर ख्वपया भूगु थः गु पहः या मौलिक सहर ल्यंकः म्वाकः तयगुमतिं पुलांगु सम्पदाया लागाय् छँ दानिपुं छँ थुवः तयता छँ या मोहडाय् छ्यःगु अपा, सिँ व प्वल्हँ अपाख्य खर्च जूगुया ३५ प्रतिशत अनुदान बियगु व्यवस्था याड तयागु खाँ ख्वप नगरपालिकाया प्रमुख सुनिल प्रजापति जुं भूकम्पदिवसया इलय् डि सी नेपाल डटकमया प्रस्तोता उपेन्द्र शाहीनपां जूगु अन्तर सम्वादय् काड दिल् ।

तः भ्वखा ब्वःगु खुदा फुय धुडा नं भ्वखाचां थुड ब्यूगु संरचनात ल्हवनय-कानय व दानयगु ज्या मति तयार्थे सन्तोषजनक मजूगु खाँ काड दिसे वयकलं पुलांगु वास्तुकला व सीपता हेलायाड न्हँगु थासय् दय्कगु धरहरा ल्हवनय कानय मखुसे न्हँगु दांगु जुल दकः धायोदिल् । तः भ्वखाचां सम्पदा लागाय् यागु नोक्सानता ख्वप नगरपालिकां सम्पदा ल्हवनय-कानयया अवसरकाथं कायागु खाँ ब्याकसे वयकलं ख्वप नगरपालिकां ल्यासे-ल्याम्होपिन्ता दकःमि, सिँकःमि नपां अपलं अपः लाहातय् ज्या दैगु सीपमूलक तालिम बियो वयो च्वंगु खाँ नं ब्याक दिल् ।

ख्वप नगरपालिकां सम्पदा ल्हवनय-कानय व दानयगु ज्याख्य सुं नं विदेशी संघ-संस्थातय्के ग्वाहाली मकःसें याडागु खाँ ब्याकसे वयकलं विदेशी ग्वाहाली मकःसिं हे ख्वप नगरपालिकां थमनं हे सम्पदा ल्हवनय-कानय व दानयगु ज्या ख्य बः याड च्वंगु खाँ नं काड दिल् ।

खुङ्गु स्वप पौ. बःछि पौ(पाक्षिक)

उपभोक्ता समितिया नायो लक्ष्मी प्रसाद चवालाया सभानायोलय् जूगु उगु ज्या इवः सं टेबुलटेनिस स्यनामि मुना ब्रासुकलां नं न्वचु तयो द्यूगु खः ।

ख्वप नगरपालिका वडा नं १० बेखालय् च्वंगु कभर्ड हलय् टेबुल टेनिश स्यड वयो च्वंगु खः । उगु भवन थुड धि धिं बल्ला जुसा प्याराफिटय च्वड स्वय जिइकः नक्सा दय्क अः उगु थासय् बेखाल कभर्डहल मिनि इन्डोर स्टेडियम काथं थ्यं मथ्यं नेसम्हा स्वकमिपुं च्वड स्वय दैगु प्याराफिट (गुभेबल) नपां दय्के तांगु खः । धिं धिं बल्ला मजुसा प्याराफिट नपां मुड छ्वयो हिगु टेबुलटेनिस बोर्ड तयो प्रशिक्षण बियफैगु व धिं धिं बल्ला ख्य थ्यं मथ्यं प्यंगु बोर्ड तयो धिं धिं बल्ला याय फैगु याडः उगु कभर्डहल बागमती प्रदेशया ससर्त बजेट पाखं नेगु करोड व न्हयस्वंगु लाखया लागत अनुमानित बजेटय् दय्केतांगु उगु भवनया लागिं थुगुसी डय्यूगु लाख बजेट विनियोजन जूगु वडा निरीक्षक रामकृष्ण प्रजापतिं धायो द्यूगु खः ।

ख्वप नगरपालिकाया च्वन्ह्यागु ज्या



२०७२ सालया तःभ्वखाचां ख्वपय् ट्रलंद्र निजी छँत नपां ११५ गू स्वयो अपः सम्पदात स्यंक ब्यूगु खाँ ब्याकसे वयकलं ख्वप नगरपालिकां अः तकख्य देगः फल्चा, ध्वाका, तुंथि, पुखु, सत्तः आदि याड १०८ गू सम्पदा ल्हवनय धुगु व मेगु दानयगु ज्या न्ह्याकः च्वंगु खाँ ब्याक दिल् ।

ख्वपया सम्पदा ल्हवनय कानय व दानयगु, या च्वछाय् बह जुइक स्थानीय जनताया आर्थिक, नैतिक व भौतिक ग्वाहाली दःगु खाँ ब्याकसे थानाया सम्पदात उपभोक्ता समिति पाखं दानयगु याड वयो च्वंगु व सम्पदा पुनः निर्माण थजगु संवेदनशील विषयया जिम्मा ठेकेदारता बिय मज्यू दक ख्वप नगरपालिकां बः यासे धा धां वयो च्वंगु खः ।

मेलम्चीया नाः लच्छीया दुनय् ख्वपय इड वियगुली सहमत जुल
(२०७८ वैशाख १३ गते)



ख्वपया रानीपुखु पुनः निर्माणया निरीक्षणय् नगर प्रमुख प्रजापतिजु
(२०७८ वैशाख ८ गते)



तानसेन नगरपालिकाया प्रतिनिधिमण्डल ख्वप नगरपालिकाय्
(२०७८ वैशाख ९ गते)



कीर्तिपुरया सांस्कृतिक प्रतिनिधिमण्डल ख्वप नगरपालिकाय्
(२०७८ वैशाख १० गते)

